

DS

754


.7

55

1738

V. 74

EAST ASIAN LIBRARY  
UNIVERSITY OF TORONTO LIBRARY  
130 St. George Street  
8th FLOOR  
TORONTO, CANADA M5S 1A5







# 硃批諭旨

萬際瑞 苗壽 李如柏  
安修德 李淑德 高鑛 奏摺





硃批萬際瑞奏摺

雍正三年九月十八日廣東提督臣萬際瑞謹啓

奏恭請

皇上聖安

朕安

昨董象緯來京陛見其人甚不足取爾其勉力盡職爲  
一良帥與朕顏面增光毋致被其嗤笑

同日又

奏爲欽奉

上諭事雍正三年九月十二日接兵部劄付內開七月



上諭萬際瑞來京時曾經面奏海防會汛一事殊屬不

便朕諭同總督孔毓珣詳議具奏近朕訪問熟悉海洋情形之人多稱水師會哨於弭盜之法實爲有益據其所奏俱各甚有條理爾部可行文與萬際瑞且不必會同總督令伊先與熟悉水師之人如瓊州總兵黃助等將會哨實在有益之處會同詳加酌議此外有諳練海洋情形者亦廣加採訪將情由先行具摺奏聞再與總督會同議奏欽此爲此合劄該提督欽遵施行等因到臣竊查海防會哨由來已久雖



亦有益但洋汛遼濶一望無涯定例二月六月出巡配撥兵船揚帆遠去本汛前後未免空虛迨至回汛經時久遠恐有姦船乘機竊發或致疎虞此臣所以鯁鯁過慮也茲奉

諭旨會同新授瓊州總兵

臣黃助詳加酌議粵省洋面

東西袤延約數千里微臣歷任雷瓊東洋雖未深知西汛一帶皆所熟悉自龍門協而東海安營碇州營吳川營電白營春江協廣海寨香山協沿海水師聯絡布置分據險要臣等愚見各營分遣遊守等官龍門協巡至海安海安營巡至碇州碇州



營巡至吳川吳川營巡至電白電白營巡至春江  
春江協巡至廣海廣海寨巡至香山自香山東至  
南澳亦一體交環無事則來往遊巡保固汛防有  
警則奮力追擒無分疆界上下各汛聯絡循環交  
相巡哨則姦船自無可乘之隙矣且所巡洋面易  
於遍歷務限一月之內往復一週始則自東而西  
繼則自西而東各取地方官印結查驗以杜中途  
停泊之弊再或按季輪委總兵副將一員親歷巡  
查以稽察各汛之勤惰如有巡哨不力者立即揭  
叅徇情容隱一併嚴加議處庶交相警勵不敢怠



玩偷安羣力畢宣汎防各密海疆永獲寧謐之休  
矣此臣等管蠡之見以爲各汎聯絡時巡較之會  
哨更爲周密也再自香山東至南澳水師各營尚  
未深悉容臣到任後逐一詳查如外有諳練海洋  
情形者亦廣加採訪另具摺

奏謹將水師會哨一事遵

旨先行繕摺差瓊州鎮標把總齎捧奏

聞謹

奏

此係極有關係之事不宜固執已見當與督撫孔毓珣



楊文乾等悉心熟議籌畫萬全而行既非目前急務何必忙迫詳加斟酌可也

同日又

奏竊臣質本庸愚謬膺重寄夙夜惴惴恐致隕越凡有可以寧謐海疆之計莫不深思熟慮以期仰報聖恩於萬一伏查瓊州一郡孤懸海外夙稱險要郡北十里則有白沙海口諸港商船輳集洵爲瓊治之咽喉已設水師副將一員兼轄瓊山文昌會同澄邁臨高五縣港汛哨船一十四隻分巡守隘布置得宜誠無可慮惟崖州一營離郡千里逼近安南



實爲全瓊之後戶所轄汎地橫互海面四百餘里  
除小港不計外內有大蛋保平三亞榆林赤嶺望  
樓大港六道各設礮臺防守港外悉連大洋其衝  
要處所較之各州邑爲多在在可以泊船巡防更  
宜加密雖有遊擊一員駐劄州城職非水師兼無  
船隻設有警息未免束手無策臣身任封疆不得  
皇土不思及未雨綢繆之計請於崖營遊擊一缺改設  
水師設立哨船分防要汎東至萬營之桐棲港西  
至儋營之英潮港洋面毗連俱屬險要輪撥汎弁  
不時游巡與海口之水師協上下會哨則南北交



嚴東西兼顧全瓊處處皆成苞桑之固矣微臣深知崖營甚屬緊要敬陳一得之愚至於設立哨船作何設法應請

皇上敕下督撫二臣逐加詳議非臣愚昧所能擅及也  
爲此具摺

奏請伏祈

睿裁謹

奏

崖營改設水師是否合宜會同督撫臣酌商具奏

雍正四年四月初八日廣東提督臣萬際瑞謹



奏爲恭報地方米價雨水情形事竊粵東自入春以來雨水不一除高雷廉三府雨水調勻米價每石七八錢不等南韶瓊三府雨水未多米價每石一兩一二錢不等外其惠潮廣肇四府去歲歉收今春復陰雨連綿米價近日漸至二兩一石至潮州各屬先於二月內每石卽長至二兩四五錢再碣石南澳二鎮緣地處海隅商販不前升斗難求臣目擊維艱咨商督撫二臣隨將潮府各邑倉穀酌量動支分發平糶陸續接濟民食并撥鄰近州縣倉穀分運碣石南澳二鎮平糶招徠商販米價稍



平茲三月二十外天氣方晴積水漸退禾秧現在  
及時種插或豐或歉俟收割之後容臣另摺

奏報至廣州府城亦因米價騰貴設立官廠平糶米  
穀四月初六日據廣州城守副將賀捷稟稱三月  
三十日省城附近男婦多人因赴各廠買米喧嚷  
爭鬧遂擁至撫臣衙門將頭門打開擁入大堂毀  
爛堂上什物經撫標官兵驅逐趕散拏獲數人尚  
未發落等因到臣臣身任封疆不敢壅於上臣一  
聞理合將地方情形雨水米價一併繕摺奏

聞謹



奏

此事已據楊文乾備悉上聞矣所奏知道了  
前董象緯到京奏稱若論戎行效力究竟旗員勝似漢  
人且更有卑鄙狹小之語朕因曉諭云我朝自

世祖定鼎

聖祖相繼撫御寰區以來八十餘年深仁厚澤淪肌浹髓  
凡有血氣者莫不尊親無論旗漢誰非臣子悉皆一體  
輸忠爭相報效寧有彼此之分況當日三逆之變漢臣  
中多有盡節者旗人內亦有從叛者安見漢不如旗卽  
以目前比較楊琳孔毓珣某臧某否董象緯萬際瑞孰



優孰劣爾試思之當據董象緯覆奏孔毓珣原強似楊  
琳萬際瑞則遠不如臣隨歷數汝之不及伊處朕向伊  
云俟萬際瑞到任受事後果不及爾朕則閉口無言矣  
曾經降有如斯諭旨汝若不加勉自勵被董象緯之竊  
笑當爲何如耶不但不及董象緯倘所行之事被人指  
摘談論仰面對

天於心安乎將此諭時時捧誦黽勉奉行毋少怠忽庶副  
朕望

雍正四年七月二十四日廣東提督臣萬際瑞謹  
奏爲恭謝



天恩事雍正四年七月十二日臣齋摺家人回粵恭捧

皇上欽賜各種藥錠到臣臣卽望

闕叩頭謝

恩祇領訖所有臣奏地方米價雨水情形摺內欽奉

硃批諭旨臣跪誦之下惶悚靡已竊念臣邊海庸愚才

疎識淺蒙

皇上隆恩畀以廣東提督重任汲深綆短殊多隕越但

臣心有餘惟恐才力不逮非敢自棄於

君父之前今蒙

皇上推心置腹令臣時時黽勉奉行更念粵東地處炎



方

特頒仙錠以備時用臣之遭逢實千古所希有惟有殫

心竭力益加砥礪以仰報

高深於萬一耳所有欽奉

硃批諭旨并微臣感激蟻悃理合繕摺

奏謝謹

奏

覽奏知道了大凡居官第一操守爲要至辦理諸事切  
戒自是當集思廣益取衆善以爲己用乃封疆大臣最  
所當務者也勉之  
十月十二日  
寶曆案人回粵恭料



同日又

奏爲恭報粵東夏禾收成惠府秋水汎濫事竊照粵  
東自四月以後雨水調均早禾秀實收成俱有八  
分惟潮府沿海一帶地土瘠薄止有七分今通省  
米價一兩內外不等潮屬稍貴但二季晚禾又經  
及時種插可慶大有詎意七月十六日颶風暴雨  
陡發異常兵民房屋多被吹倒兼霖雨連綿至三  
十一日始晴而洪水泛漲惠府與歸善縣皆成澤  
國四面汪洋城內街巷兵民出入俱乘小艇各處  
房屋多被水淹倒塌二十二日水勢愈長博羅縣



亦被水淹至惠協及臣標中左右前四營遊擊衙署盡被水淹城廂兵民俱奔高處城上棲身臣與地方官多雇船隻在城廂內外巡視救護被水難民加意防範多方撫恤不至失所外至於城垣房屋倒塌丈尺間數與人民有無淹斃以及惠屬之各州縣曾否被災俟水退之日備細查明另行摺奏所有惠府被水情形理合繕摺奏

聞謹

奏

惠州等處被水據楊文乾業已奏聞宜教導兵民人等



消弭災眚之道常存善心毋造惡業力行好事敬信  
神明則地方上自無此等事矣今當被災之際彈壓匪類  
不致乘機生事極爲要務慎之

雍正四年九月二十日廣東提督臣萬際瑞謹

奏爲鎮臣貪鄙徇私事竊照總兵一官爲封疆大臣  
務宜廉潔持躬端方矢志方可表率將備整飭營  
伍今查得碣石鎮總兵官陳良弼處已不端穢行  
昭著任用字識孔超家人王祖苛索漁船規例每  
漁船一對索銀八兩汕尾港內共收銀六百六十  
兩右營把總張隆經收交駐碣提塘康熙帶繳鮪



門港共收銀三百三十兩係右營千總楊忠收繳  
以致右營守備廖勇每對漁船亦索取規例銀三  
兩六錢毫無顧忌右營港內如此中左二營可知  
臣訪聞既確何敢徇隱理合據實密

奏伏乞

皇上睿鑒施行謹

奏

陳良弼係一老將且又熟諳水師似此歷練之員殊屬  
難得若猶不至曠廢營務虧缺職守當彼此和衷勗勉  
遷改爾等提鎮不能一德同心與地方無益所奏朕頗



不以爲然觀此爾甚乏調停作用也

同日又

奏爲報明田禾城舍被水衝塌事竊照粵東惠郡於  
雍正四年七月十七至二十等日颶風大雨洪水  
泛濫先經臣將被水情形繕摺具  
奏續據惠協副將稟報七月二十四日水勢方定計  
高二丈有餘於次日漸退府城四門被水淹浸共  
倒卸城垣二十餘丈歸善縣城垣共倒卸十餘丈  
田禾俱被水淹府縣城廂內外以及鄉莊共倒房  
屋數千餘間又據臣標右營遊擊稟報河源縣因



七月十七至二十等日風雨交作河水漲發老城  
倒壞八缺新城倒壞四缺民房漂流無數等情又  
據惠協左營都司稟報博羅縣七月十八九等日  
連朝風雨洪水泛濫沿江十五圖田地低窪者盡  
被水淹城鄉房屋共倒塌千有餘間等情又據東  
莞營守備稟報廣州府屬之東莞縣七月二十外  
水勢泛漲兵民房舍倒塌無數等情又據增城營  
遊擊稟報增城縣七月二十等日潦水湧漲田禾  
被水淹浸民房倒塌無數等情又准潮州總兵咨  
報程鄉縣七月十七八等日颶風大雨洪水暴漲



城內水滿二尺城垣倒卸九丈城鄉內外兵民房屋倒塌甚多等因又據惠來營遊擊稟報惠來縣七月十六日起風雨七晝夜兵民房屋多有倒壞所種晚禾二三分俱被水淹低田衝決等情又准高州總兵咨報廉州府七月初八日起至十二日止狂風大雨倒卸城垣二十餘丈等因又據羅定協副將稟報羅定州七月十九日至二十五日霖雨淋漓溪河湧漲州城近河城垣倒卸十有餘丈田禾房舍幸無大損等情各到臣臣查以上被水州縣惟程鄉縣淹斃男婦四口其餘竝無傷損至



於各屬營汛塘房墩樓排柵倒爛甚多除咨會督撫二臣檄飭文員將城垣塘汛速行修葺以固地方外詎惠府於八月十六七八等日大雨滂沱連綿不息洪水復漲較前雖小二尺而歸善博羅東莞三縣沿江一帶以及廣州府屬之增城縣山水滙發兵民房舍復有傾頽晚禾補插者悉行淹壞秋成恐致歉收臣身任封疆理合繕摺奏

聞謹

奏

地方上一切災祥自應絲毫無隱據實奏聞爾等職任



封疆遇斯等事全賴從容調度撫恤彈壓若聽信小人  
妄言驚惶失措以致搖惑衆心則汝難辭其罪也

同日又

奏爲報明馬價羨餘急公修造兵房事竊惠郡連遭  
洪水業將民舍城垣倒卸情形另摺具奏  
奏明茲有臣標五營內共倒兵房二百五十五間每  
間估計銀四兩需用修造銀一千零二十兩此項  
銀兩卽於五營馬價內之羨餘動用查東省馬價  
每匹額定銀二十一兩九錢臣委員廣西購買或  
十二三兩或十五六兩不等每年總計羨餘有千



金以外臣先因五營盛甲新舊不一無以壯營伍而收實用原擬

奏明捐造盛甲今兵丁棲止無所現存有餘銀八百兩不得不先行修造俟再有盈餘另爲製造盛甲等項至於五營中之器械惟鳥鎗略爲短小本年五月內督臣孔毓珣捐銀五百兩臣卽興工打造鳥鎗六百桿已經工竣除給發各兵操演外理合繕摺一併奏

聞伏乞

皇上睿鑒施行謹



奏  
此舉甚是凡事有緩急先後之宜須權其輕重爲之豈  
可固執而不通融耶

雍正五年八月初十日山東登州總兵官臣萬際

瑞謹

奏爲奏

聞事竊照東省登萊青諸郡沿海一帶應行修築礮臺  
十九座經前任撫臣陳世倌與前任鎮臣黃元驤  
會同委員先築八角口礮臺一座以爲成式續將  
文登營轄汎成山衛之龍口東崖文登縣之馬頭



嘴北岸寧福營轄汎萊陽縣之丁字嘴卽墨營轄汎卽墨縣之嶸山膠州營轄汎膠州之唐島口安東營轄汎諸城縣之亭子蘭六處礮臺興工修築又經前任鎮臣黃元驤具疏

題報在案嗣據各該營陸續呈報亭子蘭馬頭嘴丁字嘴龍口東崖唐島口嶸山等六處俱已修築完工經臣逐加親驗六處所修礮臺工程俱各堅固一如八角口礮臺之式又查有萊州營轄汎掖縣之三山口礮臺現在興工修築尚未告竣其餘未曾興工修築礮臺十一座內有文登營轄汎成山



衛之養魚池膠州營轄汎膠州之古鎮口卽墨營  
轄汎卽墨縣之黃龍莊安東營轄汎日照縣之龍  
汪口四處亦屬緊要趁此天長日暖秋收之後正  
可修築臣現在咨明撫臣塞楞額檄飭該地方官  
照式繪圖估計興工在案其餘七座內有臣標右  
營轄汎黃縣之碣磯島乃一條沙線生出海面十  
數餘里離村頗遠竝無船隻灣泊經臣查驗實係  
僻處應移築於膠州營轄汎浮山所之青島口此  
島爲膠州門戶乃船隻灣泊之所實係衝處又有  
文登營轄汎寧海州之南橫海面雖無沙石但口



門太厰船隻難泊亦非緊要之地應移築於文登  
營轄汎寧海州之黃島此島與南橫相去十里可  
以灣泊船隻實係衝處一轉移間二處所築礮臺  
俱收實濟而錢糧亦不至虛費矣理合繕摺

奏請可否容臣咨商撫臣塞楞額將礮臺南橫二處  
礮臺移改伏乞

皇上睿鑒施行謹

奏

移僻就衝甚善與塞楞額商酌行之

雍正六年二月初十日山東登州總兵官革職留



任臣萬際瑞謹

奏爲請

旨事竊查臣屬武定營轄汎汴家港地方係鹽徒出沒  
要口經前任撫臣陳世倌於雍正二年十二月內  
題明將本營守備帶領馬步兵丁八十名移駐專司  
巡緝於雍正三年四月內該處闔商公呈長蘆鹽  
臣莽鵠立議以完課銀兩內每銀一百兩外加銀  
一兩以助移駐官兵薪水之資經莽鵠立批准每  
年該汎守備差目兵赴鹽政衙門領回散給查守  
備一年得助銀二百四十兩馬兵二十名得助銀



四百八十兩步兵六十名得助銀七百二十兩一  
年共計銀一千四百四十兩但臣思守備自有俸  
薪養糧兵丁各有月餉養贍其移駐汛防捍衛地  
方巡緝私販分所當然何必有資助之私臣受  
恩深重不敢徇情欺隱理合據實

奏明請

旨將此項銀兩可否歸於正項鹽斤之內伏乞

聖裁遵行謹

奏

此項銀兩不關國計民生出於衆商樂從何必裁革過



爲苛刻但母因此一奏奉有朕諭遂乃自以爲利則更不可也

雍正六年四月二十一日山東登州總兵官革職

留任

萬際瑞謹

奏爲敬抒管見仰祈

朱聖公採擇事竊臣謏劣庸才屢多罪愆荷蒙

睿鑒以備採擇事竊臣謏劣庸才屢多罪愆荷蒙

高厚之恩優容格外夙夜思維無可報稱苟有一得之

愚曷敢緘默不言請爲我

皇上敬陳之

呈

呈一武科鄉試錄宜分別進



呈也查文科賓興之期

欽命廷臣典試撫臣爲之監臨中式之後將試卷送部

磨勘

國家造就人才之至意已詳且盡矣惟武科一途外  
場弓馬技勇以及內場文字俱屬撫臣之專任其  
中才技各有短長未免公私莫辨臣愚請嗣後於  
鄉試錄上令撫臣註明弓馬技勇文字三項進  
呈或內外場俱優或外場好而內場平常或內場好  
而外場稍次者俱分析註明進

呈并行咨部查核俟會試之年將內場優而外場稍



次者另編衛字號先期奏

聞名數

欽定中式若干名以備衛所之用其武進士前一半選授營缺後一半選授衛缺之例似可變通停止倘新科武舉內有文字荒謬弓馬技勇不堪者或被主考糾叅或被部臣彈劾將撫臣議處至歷科武舉內有文字清通願歸於衛字號內者伊等起文會試之年具呈該地方官詳明上司聲明報部與大都賄買者居多更不堪問矣

收得人之效矣



一盜首住址州縣宜分別議處也查雍正四年七月內九卿會議欽奉會同欽此限各該督撫將上諭一案嗣後編排保甲地方官有不實力奉行不能稽查盜賊或別經發覺或經科道糾叅將端管州縣官照不能察緝姦民例降二級調用兼轄統轄各官照例議處等因奉

旨著以一年爲限欽遵在案又定例承緝各官務期必獲盜首如不獲盜首雖獲賊過半於免罪之外仍罰俸一年限一年緝拏限滿不獲罰俸二年再限一年緝拏再不獲降一級留任等語是盜首之重



於夥盜也明矣但竝未嚴定有盜首住址州縣分別議處之例則承審各官止以已經拏獲一語結案是保甲之法究未能實力奉行保甲社倉二事最爲難行不得賢能有司徒滋紛擾耳臣請嗣後凡拏獲盜首審訊住址州縣如本案盜首係本地地方人

而本州縣自行拏獲者或係別州縣人而爲該管地方官自行察出拏獲到案者俱從寬免其處分如本案所獲盜首非係本州縣人將供出住址州縣之專兼各官職名照不能察緝姦民例叅處保甲排頭一體治罪倘鄰近地方官拏獲盜首係伊住址本州縣案內之犯除拏獲鄰近之地方官仍



照例議叙外應將本案之州縣官亦從寬免議以  
便互相協力緝拏如鄰近地方官拏獲盜首非伊  
住址本州縣案內之犯別入鄰境爲盜首者仍將  
該管地方專兼等職名照例叅處至本案盜首自  
行首出并夥盜內首出盜首者係伊住址本州縣  
案內之犯將專管州縣各官均應從寬定議以杜  
諱縱審係別州縣住址者仍將專管各官照例議  
處其有捏稱盜首病故并將夥盜嚇認盜首嫁禍  
於別地方者經該管上司審出指名  
題叅從重議處倘該管上司不行詳審朦混結案經



別案發覺將該管上司一并嚴加議處如此則保  
甲嚴而盜風息矣

以上二條臣不揣愚陋謬陳管見是否可採伏祈  
皇上睿鑒施行謹

奏

捕盜處分不妥協處非止一端實因出於無可如何之  
故處分輕則愈肆懈弛處分重又難免諱匿蓋疎密皆  
非寬嚴兩礙適中之法奚從而得盜風之息要在文武  
大吏公正嚴明實心任事方爲拔本塞源之道若只於  
例限處分內講究是所謂緣木而求魚也庸有益乎



同日又

奏爲請嚴積引之弊以裕

國課事竊臣一介武夫識見淺陋於鹽政事宜尤多  
未諳緣莅任東省一載有餘凡遇營汛拏獲私鹽  
一經交縣便稱有引開釋臣實未解其故隨細心  
訪察始知東省每年有積引二十六萬餘道俱係  
截角殘引以資其營私之弊一遇拏獲到官將殘  
引重複影射姦商侵蝕牢不可破今雖查出而每  
年可增數萬兩之引課已暗耗於積引之中臣身  
任封疆杜絕私販係臣之責是以據實入



告伏乞

皇上委員徹底清查庶姦商知所畏懼而可增之引課

絲不至飽若輩之私橐矣理合繕摺具奏

奏伏祈 聖鑒施行謹

皇上睿鑒施行謹

奏

所奏可嘉另有諭旨

雍正六年五月十九日山東登州總兵官革職留

任臣萬際瑞謹

天奏爲恭謝

硃批諭旨

三

萬際瑞



天恩事雍正六年五月十二日臣齊摺家人回登恭捧  
御賜各種藥錠到臣臣跪迎至署望

闕叩頭謝

恩祇領訖當將

奏摺啓視欽奉

硃批盜風之息要在文武大吏公正嚴明實心任事方  
爲拔本塞源之道若只於例限處分內講究是所謂  
緣木而求魚也庸有益乎欽此臣跪讀之下仰見我  
皇上睿謨廣遠弭盜務在清源臣謹遵  
旨檄飭將弁訓練巡防實心任事公正嚴明毋負職守



高厚於萬一爲此繕摺

皇奏謝所有奉到

硃批奏摺一併恭繳伏乞

皇上睿鑒謹

皇奏

覽

所奏知縣關拮一摺留中候另有諭旨內外大臣悉皆

如是秉公無隱事事據實入告毫弗瞻顧何慮天下不

大治耶勉之勉之更莫改移此志東登州縣共官



雍正六年六月二十一日山東登州總兵官臣萬際瑞謹

奏爲恭謝

天恩事雍正六年六月初四日臣齋摺家人回登恭捧皇上御賜新花樣紗二聯到臣臣隨恭設香案望

闕叩頭謝

恩祇領訖伏念臣邊海庸愚愆尤屢積荷蒙

皇上宥過之仁不加擯棄已屬過分何當

溫旨嘉勉復叨

寵賚觀雲霞之璀璨捧出



鳳城瞻綺綉之輝煌頒來  
天府芬芳四季豈惟開放千紅飛舞盈圖寧止疊臻  
百福臣何人斯遭此  
曠典  
聖恩愈厚報稱愈難惟有竭盡駑駘益矢冰兢仰酬  
高厚於萬一耳所有微臣感激之私理合繕摺  
奏謝并將奉到  
硃批奏摺一併恭繳伏乞  
皇上睿鑒謹

奏



覽奏謝知道了凡事秉公據實一無隱諱是乃人臣輪忠之極則勉之

同日又

奏爲歷陳引票積弊以肅鹽政事竊照山東六府行鹽有引票之不同多寡之不一臣細加察核查登萊青三府全食票鹽東昌府全食引鹽濟南府屬之章邱鄒平淄川長山新城齊東濟陽青城新泰萊蕪武定陽信海豐樂陵濱州利津霑化蒲臺等十八州縣并兗州府屬之沂州費縣俱食票鹽又濟屬之臨邑陵縣德平及兗屬之郟城則引鹽票



鹽俱食至二郡所屬之別州縣則皆食引鹽雖引  
鹽票鹽均辦

國課但查順治十七年長蘆鹽臣馮班條議東省票  
引一疏內開查濟南府屬章邱等二十二州縣俱  
行票鹽其與兗東兩郡食引鹽之州縣址壤錯接  
票鹽過季方謂私鹽姦商一票到手騾馱馬載旦  
暮公行一季九十日之中勤者八九次少者五六  
次票鹽流弊蠹

國病商乞

敕部確議悉令改引歸商等因經部議不准行今且竝



竊謂不為例退銷過季之票公然運行查雍正五年七月內據護理武定營遊擊李景泰詳稱原任遊擊徐英任內拏獲鹽車五輛竝無票引經陽信縣審據商人吳裕德供稱委係夏季引鹽因持票之張全之帶病先行等情開釋銷案又雍正五年九月內濟南城守營把總曲成貴拏獲無票私鹽五車先經按運二司所取商人王永升初供據稱所運之鹽部票是春夏二季的夫春夏之票何以行銷秋冬二季之鹽影射之明驗已彰彰畢露矣尚有雍正四年七月內武定州拏獲無票散鹽八車行



非運鹽大路經武定州審稱押車之于現龍短少  
食費赴集借錢及後到莊原帶部票不便於泥水  
拏出又因雨大繩蓆霉爛將鹽砍包散裝大路泥  
濘車由小路遶行等情僅以責懲銷案夫遶道卽  
係販私砍包又屬違例至狡辨借錢方回又不將  
部票拏出驗看明係臨時影射又雍正五年五月  
內武定營盤獲越境無票私鹽五車經長山縣審  
稱押車之董永剛暮夜錯行道路因昏黑不將部  
票給看今交撥商張奎光帶來呈驗亦以杖責銷  
案均不照定例內鹽引相離同私鹽法追斷再查



東省額引四十五萬五百四十八道內除河南江南所屬十五州縣共銷引十四萬三千四百一十道此係隔省未便與東省徹底核算外其濟兗東三府食引鹽者共五十一州縣核算地丁額銀一百五十餘萬兩共銷引三十萬一千五百七十六道登萊青及濟兗二府所屬有食票鹽并引票兼食者共五十三州縣核算地丁銀一百八十餘萬兩共銷票十萬三千四百五十二道兼銷引五千五百六十二道夫州縣之數不相上下核算地丁數又差多而銷鹽之引與票何至多寡相去數倍



則影射侵蝕之弊不又曉然共見者耶且歷城章邱俱屬濟南之大邑歷城編戶九十八里額徵地丁銀六萬有餘銷引九千八百三十八道章邱編戶一百零三里額徵地丁銀七萬有餘所銷票引則四千一百二十八道齊河爲下中之邑編戶二十七里額徵地丁銀二萬有餘銷引四千零七道鄒平爲上中之邑編戶五十七里額徵地丁銀三萬有餘所銷票引則一千四百九十三道卽此數縣而論懸殊若斯是引鹽尚藉積引以營私而票鹽更不須積引以侵蝕也蓋因商領引至場舂築



包鹽永阜場截一角春至蒲關秤掣截一角至灤  
關秤掣截一角運至州縣賣銷截一角掣鹽每季  
一次退引按季繳銷一季之內似難重複影射自  
有積引一項而重複影射之弊生若行紅扒票之  
章邱鄒平濟東濟陽臨邑青城陵縣新泰德平武  
定濱州蒲臺萊蕪等十三州縣稍近鹽河亦赴永  
阜場春鹽將票引截一角過蒲關秤掣截一角至  
州縣截一角而灤關非所經之地故不與焉較之  
引鹽已少一關秤掣盤驗矣惟新泰一縣又過灤  
關掣驗截一角其行黑扒票之四十州縣不近鹽



河赴各場春鹽截一角至州縣截一角姦商一票到手一季之內時日旣寬重複影射越行鄰境殆無虛日且紅扒黑扒之票俱不按季繳銷其弊尚可問歟臣謹據實奏

聞仰祈

皇上聖鑒徹底查究酌丁增額其紅黑票引立法稽察繳銷庶積弊除而鹽政肅矣爲此謹

奏

此奏可嘉之至內外文武大臣留心地方事宜凡遇一切利病咸肯如此詳悉奏聞則胡弊不除曷令不行也



已有旨徹底查究矣

同日又

奏爲奏

聞事竊臣查得雍正四年八月內原任鎮臣黃元驤任  
皇土內據武定營遊擊徐英詳稱巡兵張璉等於雍正  
間四年七月二十五日協同州役至濱州城南開河  
地方拏獲私鹽九百餘包竝無引票又無人看守  
隨行汛弁移州查明等情續據濱州審稱據商人  
韓恒升夥計趙允琦供稱所堆包鹽竝非私鹽緣  
商人去年積滯部票一千道無本春運延至今年



三五月內始春完過關已經銷賣二十二包存鹽  
九百七十八包籲請道憲通融代銷章邱未蒙批  
允始著船戶運貯開河店旁等情審釋銷案查定  
例內引票按季繳銷過季卽屬違例今雍正三年  
票引何以積至四年三五月始過蒲關秤掣截角  
如何造冊奏銷查濱州每年額票二千七百一十  
三張每季不敷七百張今狡辨無本春運以至積  
滯票引一千張是雍正三年秋季之內該州卽無  
官鹽食矣且遲至四年七月方銷二十二包則十  
月之久該州豈盡食淡者乎隔年票引違例影射



實由積引一項得以藉口朦混行私臣下質庸愚  
前奏未能盡悉但臣之微忱自難逃  
聖明洞鑒再有雍正五年五月內武定營拏獲無票散  
鹽三車經霑化縣於七月內訊據押車之生員王  
于升供稱因受暑帶票先行等因審釋詳報近於  
雍正六年六月十六日始據武定營詳稱此案業  
蒙院憲批示將生員王于升革頂鹽斤變價入官  
准有霑化縣移覆等情卽此一批與別案迥異從  
前通同侵蝕之弊已可知矣臣謹據實一并奏



聞伏乞 皇上睿鑒施行謹

奏

亦有旨飭查矣

雍正六年七月二十二日山東登州總兵官臣萬

際瑞謹

奏爲奏

聞事竊臣於雍正六年五月初一日抵省會審把總曲  
成貴一案業於本年六月初三日將會審情由繕

疏具



題請

旨 在案嗣後接閱邸報已於六月十八日奉  
旨 這事情著總督田文鏡秉公嚴審定議具奏該部知  
道欽此但未奉到部文不敢擅行回登茲於七月二  
十日據卽墨營叅將稟稱訪得萊州府屬高密縣  
地方一名弔莊有徐秀家一起來歷不明之人往  
來不定朝散夜聚正在會商縣令設法察拏隨有  
比鄰徐萬欽赴縣首告該汛把總隨卽會同縣令  
帶兵前往弔莊密行查拏已獲得徐秀徐明高哲  
善楊濟張興徐廷徐可得王福臣吳應元小忙等



十名經縣審訊俱皆供係邪教又供出夥黨牛三

照供密拏固屬應行之舉但不波及無辜又不疎漏正

犯方為兩全其美殊非易事既供稱邪教夥黨諒其人

衆必多須當察係何教所為者何事聚集者何人假若

愚民被惑自另當一論設遇匪類團結則又當一論或

應止擒渠魁或應首從併緝要在相機酌量豈可玉石

不分切戒者毋令兵役借端生事擾累閭閻一一詳慎

聞伏乞 皇上睿鑒謹

奏



宜回本任何必等候部文

雍正六年十月初五日山東登州總兵官臣萬際

瑞謹

奏爲奏

聞事竊臣邊海庸愚謬膺封疆重寄無能報效時懷覆  
餽茲蒙兵部劄開奉

旨田文鏡著授爲河東總督管理山東河南二省事務  
欽此臣捧閱之下不勝欣幸獨是遙隔兩省未得  
親覩儀型茲督臣田文鏡於本年九月二十三日  
以公事親赴東省濟南府臣分宜往謁躬聆教言



藉以整飭營伍寧謐海疆且督臣田文鏡之居心  
行事悉本我勤儉觀此誠重寄實惠不貽親王  
皇上之所指示洵足爲法是以臣輕騎減從於去月初  
六日起程赴省所有微臣起程日期理合恭摺奏  
聞伏乞 皇上睿鑒謹具  
皇奏  
**此行極是應往一見者**

雍正七年九月初三日浙江提督臣萬際瑞謹

奏爲恭請



陞見跪聆

聖訓事竊臣閩海陋質謏劣庸材蒙

聖祖仁皇帝參養深恩涓埃未效愆過頻仍復荷我

皇上如天之仁

逾格優容歷畀封疆重任犬馬圖報毫無寸績捫心自

愧夙夜靡寧今又叨蒙

殊恩補授浙江提督承

聖恩之浩蕩感激難名而下臣勉欲竭盡駑駘無如才

非經濟知乏權衡膺此海疆重寄實慮不能勝任

若非欽承



聖訓指示機宜則控馭海防茫無措施且臣自雍正三  
年聖鑒其大費更須益其小  
陛見後迄今五載未獲趨覲以古無盛矣臣目今滿省  
天顏犬馬依戀時切夢寐仰懇登殿一升寶鳳無添收  
聖慈恩准容臣輕騎馳赴面懇舊恩煥然則來京  
闕廷叩請  
聖安跪聆  
訓旨俾臣知所遵循不致隕越以曠職守誠  
聖主造就之隆恩而犬馬積年戀  
主之私亦得以稍展矣爲此繕摺



主奏請伏乞

皇上睿鑒施行謹

奏

地方緊要不必懇請赴闕李衛秉公持正實心奉職與  
田文鏡同一軌轍爲朕所倚信之督臣百凡領其教益  
而行更將從前在粵瞻顧徇隱舊習徹底洗除汝來京  
面聆訓旨亦不過此數語而已登鎮一任實屬無忝如  
能遵循弗失再加勤慎亦可以告無過矣況目今浙省  
一切整理無甚大費更張爲難處也

所奏礮臺式樣

摺留中



雍正七年十一月二十四日浙江提督臣萬際瑞

謹

奏爲請更弁兵實在食糧年月以杜頂冒事竊臣案

查雍正四年陞任江西南贛鎮臣石雲倬

奏請將各營兵丁更正實在姓名年貌奉有

俞旨欽遵在案但兵丁姓名年貌既經更正而食糧年

分仍造舊兵年月未免弊竇叢生准蒙

皇上隆恩畀以提督重寄抵浙任事考查兵丁冊籍有

三五歲食糧者亦有未生而先食糧者種種舛謬

不止一兵一弁詰其所以僉云積習相沿失於改



正臣思名糧之確實稽察以年貌爲憑歷伍之淺  
深考核以冊籍爲據若頂接名糧仍造舊兵入伍  
年月則朦混頂冒之弊難以查考除現在飭令各  
營逐一更正外但恐與從前所送部冊不符理合  
命旨據實奏案以具下故各半與到孫更五而食豎半  
聞伏乞 聖鑒施行謹  
皇上睿鑒施行謹

奏

凡事但當據實辦理若慮前冊不符該部駁查何難備  
將情由聲明也奚庸此番瀆奏日漸正豈曾引萬烈証



同日又奏竊照臣標五營兵丁荷蒙  
皇恩賞給銀一萬八千兩營運生息以備一時之用經  
原任提臣陳天培按數借給五營兵丁奉有  
諭旨著陳天培一歸還交與接任提督另行料理倘  
借給銀兩內兵丁有不能清還者著陳天培照數賠  
補欽此欽遵經署提臣冉起鳳接蒙兵部劄付隨移  
咨陳天培行催五營繳還本銀四千九百兩有零  
茲臣於雍正七年十月抵寧任事復移咨行催續  
據五營將備詳稱兵丁一時實難全措今又繳還



銀二千三百餘兩前後共歸還本銀七千二百餘兩尚缺少一萬零七百餘兩伏懇來年作三季繳還等情據此臣查原任提臣陳天培現羈江省候質而兵丁銀兩到手俱已用去一時實難全歸可否俟來年作三季歸還以清公項至兵丁內倘有逃亡事故實不能清償者應於原任提臣名下照數賠補其已歸銀兩候湊足八千之數擬交鹽道衙門轉發殷商連環具結領運按月一分起息俱經札商督臣李衛接准回札在案再此項本銀俟來秋方可全完則經年利息卽按陸續歸本而算



缺少實多相應一併奏請

皇上睿鑒批示以便遵行謹

奏

銀一到手自必花費無存今莫可如何只得聽其歸還耳

雍正八年三月二十五日浙江提督臣萬際瑞謹

奏爲奏報雍正六年分收過公糧餉米製造軍裝甲

械數目仰祈

睿鑒事竊照浙省各標協營歲需製造修整軍裝甲械

等費自雍正五年四月內經前任提臣石雲倬



奏定每兵一百名准留公糧守餉三分按年製造修整軍械業經接任提臣陳天培將雍正五年四月起至雍正六年二月止通省各標營收過公糧製造軍械總數具摺

奏報在案今臣於雍正七年十月內到任檢查雍正六年分公糧開銷數目未經

奏報當將各標協營送到雍正六年三月起至歲底止公糧製造各項軍裝所開工料價值逐細查核多寡不同恐有浮冒濫銷情弊隨一一親行弔驗內惟紹協製造籐牌片刀牌刀三項造不合式



現在飭令重造賠補外今臣查得浙江通省各標  
協營馬步水戰守兵共四萬九百零五名除各官  
隨丁外應存公糧守餉一千一百一十八名自雍  
正六年三月起至十二月止共餉米銀一萬三千  
四百七十四兩零又撫標營自雍正五年六月起  
至雍正六年十二月止共計收過餉米銀二百七  
十二兩零通省合共收過公糧餉米銀一萬三千  
七百四十六兩零謹將雍正六年分製造過軍裝  
甲械數目另單臚列恭呈  
御覽共計用過銀九千八百二十七兩零又加雍正五



喻買年分透用銀二千五百九十六兩零二共用銀一萬二千四百二十三兩零內撫標前因公糧不敷經督臣李衛給發鹽庫公項銀七百四十兩零添用外通省標營共於收存公糧餉米銀內動用過銀一萬一千六百八十二兩零實淨存銀二千六十四兩零留爲次年應用爲此繕摺止平六日奏報伏乞  
皇上睿鑒施行謹  
奏

此不過一筆花帳朕奚暇觀覽既未委員查核亦何足



爲憑且未有如此瑣屑煩瀆之理據奏陳天培將雍正  
五年分總數奏報在案等語汝今踵陳天培之故步無  
非欲令將來代替之人效法汝所爲耳倘遇有識見者  
斷不蹈襲斯等庸愚轍迹依樣葫蘆汝意或以曾奏過  
三字作爲張本冀免日後敗露之虞乎汝自抵浙以來  
兵民交怨聲名甚劣里巷之間有李太保督浙萬民安  
業萬提督到任闔省胥讒之謠未知得聞否也汝前在  
粵諸事瞻徇朕訓汝振作者整理戎政操練營伍之謂  
豈令不論是非曲直一味苛刻耶從來下愚伎倆非過  
則不及奈何奈何試觀李衛竝非優柔沾譽之人輿情



之不怨而感者以其善善惡惡咸出於公也今汝偏於  
搜求刻厲欲以仰合朕意專事嚴峻操切以防督臣叅  
論滿懷皆係假公濟私之心寧有不招衆怨沸騰者乎  
朕意無他惟喜適中合理而已假若憾朕以爲寬嚴均  
屬不可殊難爲官乃汝過當不能折中之故於朕何尤  
似此不知自反庸愚鄙見朕俱洞鑒無遺且朕諄諄命  
汝凡事呈請督臣指示而行係極易爲之舉汝必不肯  
一一就近領教是誠何心朕實不解將此諭亦令督臣  
李衛知之

雍正八年六月十一日浙江提督臣萬際瑞謹



奏爲

聖恩高厚難名微臣罪愆莫追謹恪遵

聖訓以圖報效事雍正八年五月初八日臣標千總齊  
高昇捧臣奏報雍正六年分收過公糧餉米製造軍裝  
甲械數目一摺到臣奉有

硃批諭旨臣跪讀之下驚惶恐懼手足無措伏念臣邊  
陲庸愚毫無知識蒙

皇上天恩屢膺封疆重寄愆過頻仍無能報稱感荷

帝德如天逾格生成復畀浙江提督鉅任臣自當竭盡

駑駘整飭營伍凡事求於適中合理而行乃臣聞



劣不明識量褊急心惟欲速以至嚴刻誠如

聖明訓飭非過則不及也但臣於本年正月二十五日

接准督臣李衛來札後深自改悔今蒙

聖恩不卽加以重譴

訓誡諄諄撫膺自問感泣欲絕惟有痛加砥礪勉力自

### 新圖報

高厚於萬一耳至公糧製造軍械嗣後當遵

旨委員察核取結

奏報仰祈

天恩恕臣已往容臣諸事會商督臣李衛圖報將來臣



不勝惶悚戰慄負罪陳

奏所有奉到

硃批諭旨臣欽遵敬錄寄知督臣李衛外謹此繕摺叩

謝

天恩伏乞

皇上睿鑒謹

奏

必待朕之訓誡督臣札致然後改悔如是左提右攜前  
挾後扶何有休歇究須克勉中道方能自立也

雍正八年十二月初五日浙江提督臣萬際瑞謹



奏爲奏報雍正七年分收過公糧製造軍械數目仰  
祈

睿鑒事竊照調任提臣石雲倬

奏請將浙省各標協等營存留公糧修製軍裝甲械  
一案自雍正七年正月至十二月又屆報銷之期  
天恩據各標協營送到製造各項軍裝工料價值細冊  
前來臣隨委將備等官一十二員分路逐一點驗  
竝無苟簡浮冒取有核實冊結在案今臣查得浙  
江通省各標協營竝撫標營雍正七年分共收過  
公糧餉米銀一萬七千六百二兩零除將造過軍



裝甲械數目另單臚列恭呈  
御覽外共計雍正七年分用過銀一萬三千二百六兩  
零餘剩銀四千三百九十六兩零并雍正六年分  
舊存銀二千六十四兩零二共存銀六千四百六十  
兩零留爲次年應用至所造軍裝甲械等物俱  
經臣逐項弔驗之後卽令送赴督臣李衛會驗悉  
屬堅利鮮明堪以禦用理合繕摺

奏報伏乞

皇上睿鑒施行謹

奏



所奏朕不過一覽而已諸凡總聽督臣李衛訓誨指示  
爲之

雍正九年十一月二十六日浙江提督臣萬際瑞

謹

奏爲奏報雍正八年分收過公糧製造軍械數目仰  
祈

睿鑒事竊照浙省各標協等營存留公糧修製軍裝一  
案自雍正八年正月至十二月又屆報銷之期據  
各標協營送到造製軍裝工料價值細冊前來臣  
隨委將備分路逐一點驗悉屬鮮明堅利竝無苟



簡浮冒取有核實冊結在案今臣查得浙省各標  
協營竝撫標營雍正八年分共收過公糧餉米銀  
一萬五千七百九十一兩零除將造過軍械數目  
另單開呈

御覽外共計雍正八年分用過銀一萬一千九十四兩  
零餘剩銀四千三百九十六兩零并雍正七年分  
舊存銀六千四百六十四兩零二共存銀一萬八  
百五十七兩零留爲次年應用謹此繕摺  
奏報伏乞

皇上睿鑒謹



皇奏

全不仰體朕躬日理萬幾何暇觀汝帳目

雍正十年三月初八日浙江提督臣萬際瑞謹

奏爲恭報微臣查閱營汛回署日期事竊臣因浙省  
幅員廣濶營汛兵馬竝沿海一帶必須親歷巡查  
考察以爲勸懲業於上年十一月二十六日自省  
會起行

奏報在案隨即於嚴協起巡至處屬次歷溫黃及定  
標沿海一帶由鎮海回營周遍查察較閱兵馬技  
藝俱各竭力整頓營伍可觀兵民和輯其內優者



則黃巖鎮標暨玉環大荆瑞安樂清平陽等營間  
有優劣不等者則鎮海寧海象山太平等營經臣  
訓飭各將備弁員勤加督率操演務令俱臻純熟  
以仰報

國恩止有楓嶺磐石二營技藝生疎訓練乏術除嚴  
飭勒限學習另行委員點驗外倘再怠忽不改卽  
當咨明督臣李衛會疏

題叅庶躁妄疲懦者知所儆戒矣茲臣於本年三月  
初四日已抵寧波駐劄衙門所有回署日期理合  
繕摺奏



聞伏乞 聖鑒

皇上 睿鑒 謹

奏  
似此訓練乏術溺職將弁不以彈劾示懲必容至怠忽  
不改方始咨會題叅因曾效力行間耶抑或其人另具  
超卓之才耶殊爲朕所不解此下復云庶使躁妄者知  
戒等語更屬不可解矣

雍正十一年七月二十四日浙江提督臣萬際瑞

謹

奏爲奏



聞事雍正十年六月二十八日寧郡風勢稍異平時經  
臣委員查勘船隻田禾俱無傷損定黃二鎮洋汛  
亦均獲安寧惟溫屬之玉環瑞安二營出哨船隻  
准據署溫州鎮臣黃有才并玉環營叅將顧元亮  
稟報稱守備邱宗義管坐晏字八號戰船齎令出  
洋於六月二十八日遇颶至二更時分風勢愈猛  
將船打至官山洋面擊碎淹斃兵丁一十九名守  
備邱宗義抱板得生腿腳受傷又據署瑞安營副  
將魏國泰詳報千總楊元管坐清字五號戰船是  
日遇颶至夜將船打至黃家山下擊碎千總楊元



抱漿得生腰足被傷淹斃兵丁三名又功加林逢  
春管坐清字九號戰船內兵三十名餘丁二名同  
時遇颶飄失無蹤沿邊水陸探訪尋至虎石坑見  
有本船字號推牕板并碁盤蓋後艖等物又本船  
兵丁姓名年籍腰牌以及鎗殼火箭桿各項形迹  
是該船實係沉失等情到臣除一面確查九號船  
隻兵丁有無飄存島嶼或全被淹溺再行咨明督  
臣程元章查核會  
題并將淹斃功加及各兵眷口量加撫恤外事關海

閩事洋颶風損壞兵船合先具摺



奏報伏乞

皇上睿鑒謹

奏

汝之統屬內有此災異亟當戒過省愆必汝居心行事不公不誠所以招致咎徵也慎之毋忽

雍正十一年十二月初一日浙江提督臣萬際瑞

謹

奏爲欽遵

聖訓恭繳

硃批事雍正十一年九月初八日臣標千總齎回臣奏

硃批諭旨

呈

萬際瑞



報洋汛兵船遇颶一摺欽奉

硃批汝之統屬內有此災異亟當懺過省愆必汝居心  
論甚明朕何乃妄解錯會至於風馬牛不相及耶  
行事不公不誠所以招致咎徵也慎之毋忽欽此竊

照臣屬瑞安玉環二營戰船官兵今夏遇颶雖云

事出天災實由臣職未盡荷蒙

聖訓令臣懺過省愆臣查功濟海洋惟

汝父當日若似汝之居心  
天后神明靈應如響臣父正色於康熙十九年克復

神靈斷無協助之理  
廈門深荷神靈協助今臣齋虔致敬已於

天后宮禮懺三日并於寧郡城齋僧五百衆祈求風

災永息外伏念臣閩海庸愚智識短淺才乏強毅



硃批今荷

聖恩諄切訓諭敢不矢公矢誠以竭盡犬馬餘年力圖報效所有微臣感激蟻悃理合繕摺

奏謝并將奉到

硃批一併恭繳伏乞

皇上睿鑒謹

奏

朕命汝戡過省愆者專指居心行事不公不誠如不肯訓愛兵弁偏於好惡但知獨善己身而不竭力奉公而言也將此等過愆洗滌淨盡改行易慮庶幾減贖前罪



若徒恃

天后宮禮懺齋僧以爲能遵訓諭不特錯會朕意亦屬庸

愚無識可笑之極矣似此懵懂昏昧宜乎頻招

上天譴責也慎之戒之

皇上睿聖黜陟賞由正職未盡荷蒙

經批令掛恭懸於宮中查功清海洋惟

奏撫扶殊奉隆如響聖父正色於康熙十九年

建效祀帝廟聖祖親臨合縣

聖恩眷顧隨備預不夫公天譴以謝盡大禹翁平代圖

今跡息外伏念



硃批苗壽奏摺

雍正六年八月二十四日巡察順天永平宣化三

府監察御史臣苗壽陶正中謹

奏爲敬陳約束在屯旗莊事宜仰祈

睿鑒事竊照旗莊散處鄉屯向有各佐領挑放領催一

名稽查逃盜賭博酗酒不法等事合屯有所畏憚

後因各處住居人等旗分混雜雖有領催不能兼

攝以致旗人相習爲非比年以來各州縣欽奉

諭旨嚴飭旗莊一體彈壓其各鄉村設有地總保長等

名目似足兼辦領催之事但各州縣旗民繁雜與



鄉屯僻遠處所尚有一二倚仗旗籍不循有司約束致令鄉保掣肘難施者臣等竊念宜就各旗戶中量用管攝之人酌復領催之舊仰請嗣後各旗管屯領催不必由佐領挑放各屬境內凡八旗另戶閒散住居人等竟令州縣官就近積算每十戶以上不論滿洲蒙古漢軍旗分擇其平日安靜謹慎者一人令加約束統計境內需用幾人總列各姓名及分管各戶數目申報總督至

內務府莊頭包衣下人等及親王以下閒散宗室以上各名下莊頭包衣人等向無管屯領催亦請照



八旗之例該州縣不論旗分酌量選擇一二名開明分管人戶詳報總督口外莊頭由該管之各路理事同知就近聯絡酌量選擇幾人開明分管地方人戶詳報總督總督彙齊咨明

內務府及各管旗大人行知各門包衣達包衣叅領佐領記檔存案此選擇舉報人等非給有憑據難以管攝應將本分內稽查事件及管攝各人戶填註清單上用州縣官及理事同知印信關防鈐蓋各給一紙以示責成倘所管人數內有不遵法度者許其查明首報地方官照例懲治如有扶同徇



隱者察出照

京城領催例治罪本身兄弟子姪有犯加倍懲處再查各屬旗莊人等多有攬種官地及質典民產應納州縣租糧者不無抗違拖欠州縣礙難追比又旗民互控到官之案州縣行拘旗人輒以上城當差藉口經年懸案不結竝請嗣後州縣官凡有催提先令衙役傳知一次倘有託故推諉者卽責令該地方管攝之人協同拘追庶幾旗人不得支飾狡延矣如此內有效力三年約束嚴謹毫無過犯者應令該有司秉公保送直隸督臣咨知



內務府各旗彙齊核實具

奏懇請

天恩以示鼓勵臣等一得之愚如或有當伏祈

敕下內務府八旗議覆施行謹

奏

交內務府王大臣會同八旗諸王大臣確議具奏以聞

同日又

奏爲敬陳編造旗地清冊事宜以正賦額以杜訟端  
事竊照地方官有守土親民之責境內戶口田畝  
均宜灼見周知以便查理直屬近



畿州縣荷蒙

皇上一視同仁不論旗民均編保甲各屬欽遵奉行在案惟是旗莊圈賞投克地畝冊貯

內府及戶部衙門歷年久遠其間移換授受歸并分析更張既多難憑核實且州縣查核原檔例應申詳該管上司經直隸督臣咨請轉行知照往返動需歲時臣等歷據三府民人控告旗莊強霸事跡不外佔奪官荒欺隱民產考其稽案不結之由總因檔冊不易清查州縣官不便懸斷以致旗莊益得恣行兼併仰懇



皇上敕下內務府宗人府及八旗都統其

內府大糧莊頭及包衣官兵投克當差人等現在實  
有地畝由

內務府各司查明實數并坐落州縣村莊名色地段  
四址造冊鈐印咨送戶部其親王以下閒散宗室  
以上莊頭及包衣官兵投克當差人等現在實有  
地畝由各門包衣達包衣叅領佐領等官查明造  
冊覺羅八旗莊頭及官兵投克當差人等現在實  
有地畝由該旗叅領佐領等官查明造冊俱送該  
旗管旗大人處鈐印送部此造送清冊務各一樣



二本一留戶部存案一由部轉咨直隸督臣發布  
政司衙門彙齊各冊按照地土坐落之各州縣衛  
所分晰編造各清冊一本鈐發該地方印官與民  
人糧地清冊一同存貯嗣後有旗民互爭之案檢  
冊查對不難勘丈訊斷再臣等查得此內惟帶地  
投克人戶先因直屬糧地未清報投時往往以多  
報少任意開除有一旗戶而隱地數頃或數十頃  
者此地不辦旗差不完民糧沿習數十年漫無稽  
考有違任土作貢之大義今旣造報檔冊自應徹  
底清晰仰懇



皇上洪仁俾照民人首報隱匿地畝之例勒以定限准其據實首明該管處所該管大人除本身現在當差地畝之數記檔咨送外餘地另冊報明戶部彙題請

旨歸著輸納差糧以正賦額至此項檔冊頒發以後每年不無移換應於歲底由兩翼稅課司彙報戶部咨行各屬知照記檔如此則近圻各屬有司均得灼知境內地土旗產民產瞭如指掌於以清賦稅而杜紛爭於政治或有裨益是否可採伏祈

皇上睿鑒施行謹



奏

旗地清冊應如何編造畝數應作何清晰之處該部議  
奏

雍正六年十一月二十七日巡察順天永平宣化

三府監察御史臣苗壽陶正中謹

奏爲敬陳清釐官守之管見以熙庶績事竊惟

國家設官分職期於敷政寧民臣等伏查順永各屬

州縣向係統隸大部官司職守視外省較殊歷來

因時變通互有沿革不無一二曠職侵官有待董

正之處謹條具管見所及敬爲



皇上陳之一道員之職掌宜專責成也一重案之審轉  
宜有專員也一旗民互控細事應歸印官就近查  
審也一佐貳雜職分轄地方應飭印官嚴加彈壓  
也以上四條臣等不揣冒昧敬獻芻蕘如果言有  
可採伏祈

聖主睿鑒敕部議覆施行謹

奏

該部詳議奏聞



刑部奏

奏

聖主親臨郊壇親覽風行

何特為

出以土四卦聖主親臨郊壇親覽風行

審也一卦損雖與卦辭式無異

奏

呈土刺之一臣員之卿掌宜專責知也一重案之審轉



硃批李如栢奏摺

雍正三年五月二十五日署理四川川北總兵官

臣李如栢謹

奏爲微臣依戀情切恭請

陛見少展孺慕以抒積誠事竊臣於雍正元年六月內  
由三屯營副將加總兵銜赴陝效力入覲

天顏荷蒙

聖主隆恩

賜賚稠疊

溫諭諄切臣三復思繹兢兢恪遵抵陝以來時刻不忘

硃批諭旨

李如栢



聖訓今託賴三  
皇上天威青海既已底定萬民盡皆安居臣現在署理  
聖主之川北一鎮地當秦蜀之衝非請聆

訓旨無所遵守臣前赴陝時已蒙

天恩允臣西事平定之後進摺恭請

陛見茲幸逢

萬壽聖誕不遠臣離

闕廷已逾二載犬馬依戀之情日深一日伏祈

皇上允臣所請准臣輕騎入京叨隨班末叩祝

聖壽跪受



聖訓庶<sub>臣</sub>孺慕之忱得以少抒而於職分之當盡者益  
皇上有所遵循矣<sub>臣</sub>不勝瞻依待<sub>茲</sub>今<sub>百</sub>一<sub>特</sub>之具<sub>並</sub>  
命之至謹

奏

年羹堯奏爾斷斷不可任用其言固不足爲重輕但朕  
觀爾頗有恃才景象過年羹堯此等不公不平之上司  
猶可原恕若清正秉公之大臣隸彼所屬少涉傲慢失  
體如何其可今岳鍾琪非年羹堯之比其居心行事人  
品才情爲朕所嘉許倚重爾當謹慎謙虛聽伊指揮領  
伊教導在地方上愛兵惜民勿逞血氣而冒多事之嫌



卽來陛見聆朕訓旨亦不過此數語耳況爾係朕熟識之人何必僕僕道路徒勞往返至於地方情形任內事務朕未身經目歷洞悉其詳從何訓誨百凡慎爲之母合年羹堯之謬論全朕用人顏面卽屬爾克盡報效之誠矣勉之

同日又

奏爲敬陳管見事竊臣一介微末至愚極陋荷蒙

聖祖仁皇帝天地洪恩捐糜難報復蒙

皇上隆恩疊沛數年以來寸長未效今有一得之見敬

聖諭爲我壽慕之抄錄以少壯而效難分之當盡者益



皇上陳之夫舉賢薦能雖屬督撫提鎮職分所當然而  
進退人材實乃

皇上大權之所在使用一人而曰某人之舉薦陞一官

而曰某人之保題是

天恩出自

天子之大權美名非此之謂也

皇上而美名反歸臣下矣況美名所在厚利隨之保題

人者卽不好利安知不市恩卽不市恩安知不樹

黨卽謂心實無他惟竭盡忠誠爲民社地方營伍

起見而被其保題者未有不感其恩德者也臣以

爲大計軍政激揚之重典所係河工保舉考功之



定例攸關無容輕爲更易除此之外至於遇缺准

其題補乃

皇上特恩今後遇有應題補之缺實在可保題之人不

如止用密摺

不具題本

則是非全在於朕

倘誤用匪人

必顯具題本止具密摺明白開寫其人之所以足

天下後世之

譏議朕安能獨當

何由而能

爲補放之處遇一缺而開列數人不必令其人知

天恩恭請

皇上於數人中揀補一人倘保題之人不稱其職將督

若然是則

歸上非則

委下矣

豈如明示於天下

令天下

公是公非乎

國家收得人之實效而督撫提鎮無保題之虛名文

皇上武員弁皆止知感戴風督撫提鎮無保題之虛名文



皇恩而報禮愈重矣若保題一人方用之時與旣用之  
後而人知爲某人之保題則保題人者其於好名  
嗜利市恩樹黨數者之中必居一於此矣謹此繕  
摺陳

奏伏乞

聖主睿鑒施行謹

奏

粵稽古帝王統世御極使宅百揆亮采惠疇亦惟簡任  
輔弼之臣若將百工庶僚皆令上感君恩而黜陟不關  
岳牧殊無是理今設遇好名嗜利市恩樹黨及攬權作



威之大臣俟其敗露後再當作何處置耳豈可先懷猜忌以待之大抵如年羹堯隆科多輩世不數數見試由今日觀之是福耶禍耶抑利耶害耶是在爲大臣者各自審擇慎檢而已非可法繩術馭之事汝少年武夫識見安能臻此因汝言及聊示朕意云爾

同日又

奏爲敬陳芻蕘之見以固疆圉事竊以

國家設立城池原以防守邊疆保障黎庶要必城高

池深而後可以永久無虞臣自奉

命來陝卽署理延綏總兵印務一抵榆林見其城東西



南三面堅固高峻惟北面一帶沙擁城上高出一  
二丈不等可以騎馬往來細爲查閱舊築有擋沙  
月城一道已被沙壓不見臣隨於雍正元年十月  
內撥派四營兵丁併民夫等捐給飯食親身督領  
扒攤半月至城牆根其牆堅固可觀不數月沙又  
擁至臣復帶領兵民扒攤十數日仍至牆底觀此  
形狀旋扒旋擁爲害無已臣查榆林城西亦是黃  
沙圍繞幸有河水之隔沙遂止於河西欲除城北  
沙害莫若挑河引水以隔之至挑河道路臣看得  
邊外有頭道河一道水雖不甚多乃長流之水在



常樂堡之北距榆林約有三十餘里度地形以揆  
水勢高在榆林城頂之上雖間有一二土坡亦易  
爲挑決若自邊外疏通此水引入內地由城東北  
角遶北月城至西而入於河則沙擁之患可以永  
除而於地方大有裨益約估所費不過一萬有餘  
銀兩即可成功臣受其猷望固何難不難且必又

恩深重毫無報稱前在榆林時久蓄此心今敬爲陳

奏倘臣言可採伏祈

睿鑒差實心辦事臣工踏勘施行爲此謹

奏



所論雖是或恐於內外界防有礙況開挑引河中隔土坡有三十里之遙萬金豈能敷用非急務也且宜暫緩

雍正三年七月初八日署理四川川北總兵官臣

李如栢謹

奏爲敬陳愚見事竊惟進退人材

天恩出自

皇上實大權所在也乃川陝督臣年羹堯之舉劾苟非

門生故舊依附於彼者縱令材能出衆必設法以

叅劾之不去其官守不已若係依附於彼者縱穢

跡昭彰必巧爲曲護越次以保題之使深感其恩

硃批諭旨

六

李如栢



始終不忘如岳鍾琪王景灝之類是也臣奉

旨署理川北鎮赴任之時途遇署川提臣納欽向臣言

川提有八百分公費伊止食四十分臣甚駭異及

皇上臣抵保寧查閱營中兵馬見旗幟軍器等物敝壞

天恩者十居七八詢諸將備爲何不及時修理據稱前

奏任年總督在川時闔鎮設公費九十分每至年終

造冊送川督銷算凡所有羨餘俱解交川督迨至

年總督陞任陝西卽將公費俱交於岳提督至今

公費銀兩俱是在省支去並不發回所以軍器等

項不能修理臣曰擊營伍廢弛不敢坐視隨具文



咨移署川提撫臣王景灝煩請發回公費修理營  
伍乃遲至一月有餘方接准王景灝咨覆內開據  
提標中軍叅將阮揚璟回稱各標鎮協本年夏秋  
二季公費銀兩前於三月內詳懇憲恩預支領出  
所有冬季分川北鎮標公費銀兩請全發回除備  
錄詳請署督院岳懇請批示外理合具文呈詳本  
提督據此除批詳仰候督院批示錄報外擬合咨  
覆臣查咨文內稱各標鎮協公費銀兩預支領出  
等語迴想納欽之言川提有八百分公費誠非虛  
謬獨是設立公費旣爲營伍起見撫臣王景灝大



吏也當其署理提督印務莅任伊始卽當查出公費發回各標鎮協俾其修理營伍不致廢弛方是臣子公忠報

國之道及臣具文移咨之後王景灝如卽將各標鎮協公費發回猶是知過能改之人乃王景灝俱不出此而猶候署總督岳鍾琪之批示則其依附於岳鍾琪者已和盤托出矣且臣查初設公費繼而送於岳鍾琪者年羹堯也將公費拏至成都者岳鍾琪也王景灝所以不將公費發回者一則恐更易年羹堯之事而負年羹堯保舉之恩再則岳鍾



琪現署理川陝總督恐彰明岳鍾琪之惡而懼其  
陰爲叅劾是王景灝岳鍾琪之結爲黨援牢不可  
破而不肯背年羹堯之恩者迄今猶昔也臣謹據

實奏

聞或

允臣具本

題叅或留此摺以爲後驗伏候

聖裁謹

奏

此奏甚屬不合僭妄之至豈有總兵官擅自題叅督撫

硃批諭旨

八

李如栢



之理況所指摘又無真實憑據觀汝識見糊塗舉止冒  
戇光景將來必致辜負朕恩也

雍正五年三月二十七日直隸宣化總兵官臣李

如栢謹

奏爲恭懇

聖慈明白訓導事竊臣前在陝西見西安寧夏榆林等  
處步兵所穿綿甲皆止甲身不用甲裙所戴之盔  
皆止鐵盔不用搗纓腦包細察其故緣步兵超澗  
踰嶺不用甲裙欲其捷便不用搗纓腦包取其舞  
籐牌使刀無所窒礙及訪問曾出過兵之官弁所



言大率相同臣查宣鎮有製造綿甲公費糧八十六分尚有應造之綿甲二千五百餘副計算一年所造尚不足六百副必俟四年半方克造完迨造完之日而初次所造之甲又成舊甲徒耗費銀兩營伍究竟不能煥然一新查現今所造之綿甲俱有甲裙與搥纓腦包每頂副需銀一兩六錢有餘且累贅而不輕便臣之愚見莫若減去甲裙竝鐵搥纓腦包每頂副可省銀五錢有餘將此造兩副甲之銀即可勻造三副不惟披戴輕便而公費糧亦得早募精壯補伍再查製造綿甲經前鎮臣黃



廷桂

奏明委令左營遊擊石文彪監造臣愚以爲公費糧  
旣出自各協營路而各協路之副叅遊都皆有營  
伍之責與其專委之左營遊擊監造孰若責之於  
各協路將伊營中原存公費糧發回照伊應造之  
甲數發給式樣令其自爲製造如能合式急速製  
造不侵蝕銀兩則其勤慎辦事留心營伍大槩可  
見如所造不能合式遲延怠玩或侵蝕銀兩則其  
平日之行事不端不實心任事亦從可知倘有似  
此官弁卽當指名特叅豈可姑容以貽誤營伍如



此一爲轉移不但所造綿甲得以早完而空糧不致久懸卽官弁之賢否亦可借此分別矣臣管窺之見是否允協伏乞

睿鑒批示遵行謹

奏

製辦綿甲減去撾纓甲裙等物所奏是至監造之事仍宜委令專員料理若以公費錢糧作爲試人之具非也將來拖欠貽誤勢必至於叅處賠補則不勝其繁矣窮苦將弁徒受罰懲究於公務何益

雍正五年四月二十六日直隸宣化總兵官臣李



如栢謹

奏爲敬陳芻蕘恭請

睿鑒事竊照尊卑各有定分人神初無二理是以生前  
之安富尊榮與身後之謚典褒封其義一也臣稽  
夫

關聖帝君我

朝自定鼎以來卽爲特立廟宇五月致祭春秋致祭及  
皇上御極又爲追封三代設立博士所以特致其尊隆  
者蓋以

關帝植綱常扶名教立人倫之至故不惟不欲與名



關賢碩士其他神明等量齊觀直欲與合論其說  
至聖先師孔子尊崇如一臣歷任數處每逢朔望恭  
講

聖諭廣訓若遇乏潔淨公所處卽在寺廟之內臣見武廟

中正位則武成王而欽王景不爲尊文又爲廢文

關帝或於四配同侍或於兩廡列坐至寺廟中竟有

塑關帝爲尊今到正位春輝之祥祭則西無

關帝聖像侍立於旁者亦有偏坐側室者非僅一處

似此位置

關帝不但考之往代封王封帝之意甚爲不合揆之



關我不卧者之卦外挂王挂帝之意甚爲不合與之  
朝與

至聖先師孔子竝尊之隆禮實太相懸殊將謂列於

武廟原爲享祀今既有五月春秋之特祭似可無

關武廟之兼及且武成王王也既坐至寺廟中竟有

關帝帝也以帝而側侍於王是不爲尊之反爲褻之

況尊卑序淆神明何能相安彼此亦難臣之愚見各處地方

皆有專爲

關帝修建之廟請將武廟竝各寺廟

關帝神牌塑像侍立偏坐側室者俱飭令請於就近



奏專爲

關帝所建廟中抑或將武廟

關帝牌像卽與武成王並坐庶尊卑不淆而神明相

安矣

臣管窺之見是否允協伏乞

聖恩自奉自樂

皇上聖鑒施行謹

奏

三代以上之王號卽後世之帝稱非諸侯王之謂也汝  
奏內不將

武成王與

關帝並擡殊違體式朕將尊卑序淆等語業經悉行刪改

硃批諭旨

十三

李如栢



照所改另具一摺齋進候交該部議覆施行

雍正五年五月初四日直隸宣化總兵官

臣李如

栢謹

奏恭請

皇上聖安

朕安

聞爾近日嗜酒任性果如此則是大負朕恩自暴自棄矣半世功名一生品行甚屬可惜思之不敢而輒即附

同日又

奏爲奏明事竊臣前奏敬陳芻蕘一摺荷蒙

於就近



殊批三代以上之王號卽後世之帝稱非諸侯王之謂也汝奏內不將武成王與

關帝竝擡殊違體式朕將尊卑序淆等語悉行刪改照所改另具一摺齎進候交該部議覆施行欽此臣跪

讀之下大開愚蒙以臣之淺陋沐

聖主之洪慈實如蒙童獲

明師嬰兒得

慈母稽諸往古誨示臣工者未有如我

皇上今日之訓臣至明且晰也臣謹欽遵

殊批諭旨

三

李如栢



殊筆刪改敬繕一摺齋且泐也引請驗整行  
慈進外所有臣遵  
旨具奏緣由理合

聖奏明再宣鎮所屬各營路地方於本年五月初一日  
雨澤普降四野俱各霑足止有張家口協一處尚  
朕未霑足相應一併奏交蒞時請覈欽此  
聞謹並對恭錄聖訓大報錄尊卑乳前等語悉行開列  
先奏王與各一生命行其屬可憐思之  
今歲直隸各屬雨澤不均目下都城左近地方日望晴  
霽不敢因一隅未足而萌祈雨之念也



雍正五年八月初七日直隸宣化總兵官臣李如  
高栢謹伏萬一耳爲此恭摺奏  
聖諭自臣不肖父母之耳對面命  
天儆惕無地事竊臣齎摺人回捧到臣恭請  
皇上聖安一摺欽奉

硃批諭旨臣跪讀之下惶懼靡已伏念臣蒙  
皇上隆恩畀以封疆重寄抵任以來兢兢業業時凜冰  
霜淵凡遇屬員有不是處再三明白訓導冀其改過  
自新卽兵丁有過臣亦諄諄教訓未嘗加之以刑



臣之屢沐

殊榮皆我

皇上特賜之恩竝非有人舉薦若稍有不肖之處關係  
天顏臣非木石何敢自暴自棄沉湎於酒不度理而任  
性有負

聖主優渥隆恩也今蒙

聖諭諄切不啻父母之耳提面命臣惟凜遵

訓旨愈加儆惕日夜思省有則改之無則加勉以仰報  
高厚洪慈於萬一耳爲此繕摺奏

聞臣不勝惶悚戰慄之至謹



奏  
任性二字猶可虛捏妄加嗜酒一節何能憑空誣賴久  
而自明無庸辯者且處此不難即使從前嗜酒果實以  
後戒飲人亦不以爲非也

奏  
雍正五年十二月初九日直隸宣化總兵官臣李  
如栢謹

奏爲恭懇

聖慈俯准開墾裕

國賦以益民生事竊照宣鎮所屬深井堡東有海子  
一塊竝週圍草灘約有百十餘頃除海子占地三

硃批諭旨

五

李如栢



十餘頃我園草曠餘百十餘頃尚有荒灘六十餘頃  
朝之初已報承糧熟地三十餘頃尚有荒灘六十餘頃  
歷來相沿爲鎮臣牧馬之所臣查宣鎮牧馬廠尚  
有二處俱係山場離居民甚遠而此處馬廠附近  
深井又非前鎮臣黃廷桂

奏明每年收租爲鎮臣養廉之地臣思旣然附近民  
居是爲有用之地豈可任其荒蕪經臣出示曉諭  
附近之民有情願開墾者具呈開墾隨據深井等  
處百姓李光先等遞呈到臣情願將此六十餘頃  
荒灘自備牛種開墾按年限照例起科臣當將百



姓所遞呈詞交與宣化知縣俞士恆親往查勘據  
該縣回覆百姓情願開墾等因臣之愚見深井彈  
丸之地若開墾此六十頃田而百姓多有此六十  
頃之恆產按年起科年復一年於本豈得賦與  
國賦不無小補於民生亦稍有裨益至於如何按年  
定限如何照例起科可否  
允行伏乞  
皇上睿鑒敕部議覆施行謹

奏  
康熙五十六年二月十五日直隸宣化縣典史李如栢

此事與該督提宜兆熊楊鯤斟酌妥確會疏具題候朕

硃批諭旨

共

李如栢



裁奪

雍正六年二月十五日直隸宣化總兵官臣李如

栢謹

奏爲恭懇

聖慈俯准查閱邊汛事竊臣自抵宣以來屢行嚴飭各協營路汰除老弱兵丁召募精壯補伍凡營伍應用之物應修補者修補應添造者添造務期足備旗幟器械必須鮮明以及弓箭鳥鎗手除應操戰箭火藥外令各預備戰箭火藥鉛子等項至於操練務要技藝精熟進止如法雖據各協營路造具



冊結呈送到臣俱稱一一遵行但宣鎮地方廣濶  
城堡頗多官弁半係獨居專城特恐其中倘有陽  
奉陰違不實心任事者臣未經親至其地不敢信  
其盡如臣之申飭仰乞

皇上允臣減從輕騎自備盤費不擾累官弁逐處細心  
詳查再面加教誡俾官弁惕然知儆庶於營伍地  
方有所裨益臣不敢擅便伏候

諭旨遵行謹

奏

親往查閱邊汛乃職分當行之事具本題明可也

硃批諭旨

十七

李如栢



雍正六年五月初一日直隸宣化總兵官臣李如

栢謹

奏爲奏明更造軍器以期適用事竊臣卷查各營路  
鳥鎗內有筒短鐵薄不堪用者共八百四十三桿  
經前任鎮臣黃廷桂

奏明以各官署事一半親丁銀並鎮臣每年捐銀五  
十兩添鐵更造據遊擊王從繩造過鳥鎗一百二  
十桿報明在案臣接任後仍照前鎮捐銀五十兩  
又將製造演放神功神威礮火藥餘銀二百八十  
二兩零給發更造嗣據遊擊王從繩呈稱又造起



鳥鎗七百二十三桿前後如數造完今將陸續收  
過署事官一半親丁並捐發銀兩及造鎗數目備  
具清冊呈報到臣除將鳥鎗給兵執持其清冊咨  
送提臣楊鯤轉送兵部及咨直督存案併嗣後署  
事官一半親丁銀兩應作何項使用統請妥議摺  
奏今准咨覆內開查更造各營路鳥鎗原係前任宣  
鎮黃廷桂  
奏明之案今既造完給兵自應仍由貴鎮繕摺具  
奏其各官署事一半親丁銀兩應照貴鎮前奏儲節  
省以備公用事摺內之議遇有調遣會集處以爲



添辦兵丁行裝之需等因咨覆到臣所有造完鳥

鎗數目理合具半詳丁題而懇懇貴嚴前奏請

奏至嗣後署事官一半親丁銀兩應否如臣等所議

交臣標中軍遊擊收貯每至年終臣確查存貯實

奏數摺咨內開查更各營親息餘風給前

奏設遇有調遣會集處以爲添辦兵丁行裝之需臣

未敢擅便伏乞

皇上睿鑒施行謹

奏 臣署事官一半詳丁並詳資題而大鼓餘燧日商

此事亦與該提督楊鯤商行



聞爾近日戒酒勿飲可謂改過不吝矣

雍正六年五月十二日直隸宣化總兵官臣李如

栢謹

奏為報足雨澤事竊臣查得宣屬各營路城堡於本  
夏已過半麥秋將竣而猶為雨足麥收之語可謂  
妄談何其質實也年四月二十五日得雨起至五月初九日陸續均已沾足從此夏麥有收秋成有望閭閻婦子歡呼

天恩普被田野黎民感頌

皇仁遍及今據標下兩營六路叅遊都守等各報到臣

理合繕摺奏

聞伏乞

硃批諭旨



皇上睿鑒謹

奏

覽

恩普同日又

奏爲恭謝

天恩事雍正六年五月初六日臣齎摺人回捧到臣奏

奏明更造軍器以期適用事一摺欽奉

皇上硃批聞爾近日戒酒勿飲可謂改過不吝矣欽此

竝恭捧

皇上欽賜錠藥一匣到宣臣隨郊迎至署恭設香案望



闕叩頭祇受訖伏念臣一介庸愚蒙

皇上畀以封疆重寄卽竭盡駑鈍時時恪凜

聖訓事事謹遵

天言尚恐奉行未及不克勝任何敢以喫酒一事致忝

厥職有負我

皇上諄諄戒勉深恩今蒙

皇上燭微批示

恩賜錠藥

臣

跪領之下畏感交集自茲以往惟有觸目

警心益加惕勵期報

洪恩於萬一耳理合繕摺

硃批諭旨

三

李如栢



奏謝伏乞 聖鑒謹

奏

每見好飲之人戒酒最難莫視爲易事要看汝一生福  
量後半世造化何如耳極宜竭力操持加意警勉毋得  
自暴自棄可惜爾父母養育之身可惜朕之恩遇二語  
當畢世佩服無斃

雍正六年十二月初七日直隸宣化總兵官臣李

奏爲鳥鎗兵丁火藥不敷據實稟

奏爲鳥鎗兵丁火藥不敷據實稟



奏明事竊查宣鎮各營路空糧八十六分製造盛甲

工竣臣已另摺其銷空數六分願於發數各營日

奏明惟是盛甲造完所有空糧卽應分發原伍招補

聖慈但查臣屬各營路鳥鎗兵丁共計二千四百五十

二名前鎮臣黃廷桂無並懸

奏准請給空糧三十分製造火藥以爲演放之用今

會穴每年春秋兩季開操按日演放火藥率多不敷臣

查古北提屬各營每鎗手一百名留給空糧二分

製造火藥宣鎮鳥鎗手兵事同一轍亦應援照此

例設留空糧除原有三十分外現今盛甲造完卽



請於此八十六分空糧內再行扣給二十分添造  
火藥以符每鎗手百名留給空糧二分之數庶火  
藥足資演放洵於營伍有益倘蒙  
俞允尚餘空糧六十六分查臣現荷  
天恩賞給親丁名糧六十分而臣標兩營一時驟爲開  
除恐有滋累之處合無竝懇

聖慈准將此項名糧暫留六十分以爲養廉俟臣標陸  
奏續出有糧缺一面扣抵一面將此空糧發還原營  
招補方爲妥便其餘空糧六分應先發還各營臣  
奏經會商提臣楊鰲是否允協臣未敢擅便謹先繕



摺明伏乞  
皇上睿鑒施行謹

所奏可行汝等商酌爲之

雍正六年十二月十七日直隸宣化總兵官臣李

如栢謹

奏爲奏明事竊臣訪得獨石路屬鎮安堡邊外曹碾  
溝地方約聚百十餘人偷開礦洞煎銀熬鉛查鉛  
乃火器要需關係至重久經奉

硃批諭旨

三

李如栢



臣嚴謹盤查勿令夾帶出口豈可容邊外偷礦熬鉛貨  
賣隨飭令獨石路叅將張漢傑鎮安堡守備劉永  
年移知獨石口章京轉移該管章京查拏去後臣  
復於本月十一日帶兵數十名親至曹碾溝捕獲  
偷礦人楊得崇等八名搜出鉛二百餘斤查有礦  
洞八九十座訊據偷礦人犯供稱偷礦之人原多  
時因天冷四散亦有獲利他往亦有畏拏遠颺等  
皇上語除將偷礦人犯竝鉛斤交發宣化縣收禁竝咨  
奏明直隸督臣何世璽等飭行文員嚴訊務獲餘犯  
竝搜追此外藏匿鉛斤臣復咨移獨石口竝黑河



章京嗣後嚴加巡查勿致匪類再聚偷礦熬鉛貨

賣外理合繕摺

奏明伏乞

皇上睿鑒謹

奏

查拏匪類以寧靖邊圉此舉好嘉悅覽之

雍正七年三月十五日直隸宣化總兵官臣李如

栢謹

奏爲恃官夾帶禁物傷兵強出邊口事本年三月十

二日據臣屬張家口路叅將沈力學呈據柴溝堡



守備尤尚忠報稱本年三月初八日子時據兵劉  
自鼎范思德叫開城門到署口稟張世祿賈治安  
輪流巡邊小的等同楊正在汛防守於一更時分  
有蒙古十餘人至邊口小的等聽得馬駝聲響卽  
出汛盤問蒙古說我等是官兒快快放我們出口  
小的等說此處不是關口如何放你們出去不料  
皇上蒙古竟將小的二人拏住小的等見人多又係官  
奏兒因此不敢動手只得掙脫跑回報官楊正懼怕  
亦隨後奔山跑走被蒙古連放三箭射中右腿帶  
傷甚重蒙古竟行出口復回兩次尋取彼箭小的



在半山黑處他未看見止將皮襖二件弓一張把  
箭五枝火藥葫蘆二箇連藥舊氈二條米口袋一  
箇米二升盡行拏去小的等見夜深人多不敢追  
趕只得稟明等情到守備據此隨帶兵丁數名趕  
出口去約有二十餘里趕上將蒙古藍翎侍衛趕  
回又拏獲男婦大小共十口內有漢人小子三名  
馬三匹駝六隻馱子未曾驗看除報明提憲併副  
叅外理合報明等情由叅將沈力學呈報到臣臣  
隨同該叅將親詣水關臺口勘驗強出邊口情形  
竝射傷汛兵事跡復同張家口理事同知白石適



因正黃旗副總管明安同捕盜章京吉蘭泰等來  
走脫之根敦渣布到陽門堡一同面問正黃旗藍  
翎侍衛朱骨噉兒稱係阿敦下在京當差回家買  
來盛甲二副漢人小子三口蒙古女人一口小子  
一口共十二人竝同王策楞王布藍翎下何通等  
四人恐張家口不放出去於初八日晚走出水關  
臺口根敦渣布竝何通等已經跑脫等語又據汛  
兵楊正認定藍翎侍衛朱骨噉兒射傷等語據此  
查得臣屬柴溝堡之水關臺口久奉封禁設兵汛  
守詎有正黃旗查哈兒色不特佐領下鄂勒特藍



翎侍衛朱骨噉兒於三月初八日夜強出邊口更  
夾帶盔甲買取漢人射傷官兵拏去火藥弓箭引  
領遠處蒙古出邊種種甚爲不法但朱骨噉兒係  
蒙古侍衛不吐實言臣等不便過爲深問暫將朱  
骨噉兒等十一人竝盔甲弓箭等物轉交懷安縣  
收管其根敦渣布仍交副總管明安帶回除咨明  
直隸提臣楊鯤外理合繕摺

奏請伏乞

皇上睿鑒施行謹

奏



此事著侍讀學士多爾濟乾清門侍衛殷札納速往審  
理將案內干係人犯按名拏究定擬具奏

奏雍正七年三月二十四日直隸宣化總兵官臣李

如栢謹

奏爲恭懇

天恩事竊臣一介寒微叨沐

皇上洪恩由侍衛擢授副將陞任總兵疊荷

寵榮逾於常格捫心自問慚無報稱今於本年三月十

六日准直隸提臣楊鯤來咨內開應派直隸河南

山東山西等省車騎營兵九千名



欽定正定總兵臣魏麟河北總兵臣閃文繡統領將弁  
是魏麟閃文繡等將得用力報稱矣但臣受

皇恩獨爲深厚而於可用力以圖報之時猶然畏避何  
以盡臣道而得心安伏懇

皇上天恩俯賜派臣協往統領將弁或管理車騎營兵  
俾臣得稍盡愚忱則感戴

洪慈靡極矣爲此繕摺

奏請伏乞

皇上睿鑒施行謹

奏



若據職銜而論原可協往統領但爾情性偏於冒戇所以不可用耳

雍正七年十一月十一日直隸宣化總兵官臣李

如栢謹

奏爲據稟奏叅事竊臣卷查雍正六年九月內欽奉上諭令各省督撫遵照京城置備救火器具以資防範倘遇火警文武各官派定人役兵丁齊集救護卽時撲滅其或赴救不力以致延燒多戶著上司嚴查叅劾不得徇情隱匿欽此仰見我皇上睿慮周詳愛民之心無所不至茲臣所屬張家口



路之市圈於本月初七日夜三更失火據署張家  
口協副將楊繡暨署叅將張漢傑各稟稱職等聞  
皇上有火警卽帶協路官弁兵丁攜救火之具前赴市  
皇仁圈救火被守門章京井披甲人等攔擋止將各官  
望恩弁放入兵丁概不准入至初八日辰時火方救息  
等語臣隨差標員前往查驗回稱延燒樓房小房  
上下百餘間人畜無傷等情到臣伏查市圈客商  
疎略萃聚貨物雲屯該署副將等旣帶官兵前往救火  
理宜齊入救護卽時撲滅豈可因章京等阻攔竟  
將兵丁留於市圈門外明係赴救不力以致延燒



多房商民受累相應指叅臣係總轄疎虞之咎亦

所難辭伏乞

敕部一并議處臣更有請者救火利器無如水銃臣查

宣化各屬預備水桶等項者間或有之而水銃尚

未全備臣前蒙

聖恩賞准將教場地畝等項所收銀穀以爲臣養廉之

需臣仰體我

皇上恤民禦患之至意情願將此項所收銀兩置造水

銃以禦宣郡城內火患但宣化無有巧匠仰懇臣

汝意

謂如此冒昧一奏遂可遮蓋從前疎忽之咎乎

皇上賞賜水銃式樣照式置辦更乞



敕令直隸督臣轉飭宣屬各州縣務必欽遵前奉明未  
諭旨備造救火器具以防未然庶祝融不致肆虐而萬

姓均沐

皇仁矣爲此謹

奏

皆係該部通行有案之事何庸更爲敕諭

雍正八年四月十三日直隸宣化總兵官臣李如

栢謹

奏爲遵

旨議奏事竊臣接兵部劄開古北提臣魏經國敬陳末

硃批諭旨

天

李如栢



議一摺奉

上諭令臣等各就本地營伍情形悉心妥議具奏欽此

臣查兵丁糧餉除月米朋銀小建外馬糧一分每

年實支銀三十三兩有奇守糧一分支銀一十一

兩有奇步戰糧一分支銀二十二兩九錢有奇雖

各營設立馬守步戰多寡不一要皆因地衝僻差

務繁簡斟酌定制竝非浮設況武職均典戎行平

居同一訓練差防遇有調遣同一勤勞公事旣蒙

皇恩賞給養糧以免內顧之憂則職同者自應均平畫

一豈可豐嗇懸殊其止有步戰而無馬守者卽未



食馬糧每年所得餉銀已較多於馬守各半而又  
無養馬之費此營制已然固無庸議至馬糧甚少  
與止設守糧之營以二守抵一馬不惟所入餉銀  
之數甚少於馬守各半仍難免官弁內顧之憂卽  
以差防而論二人自能分辨兩處之事一人一馬  
安能兼應二人之差若以二守抵一馬是各營減  
許多應差之兵官弁究未得均沾實惠大非我  
皇上俾得養贍從容之意臣愚議得宣鎮官弁親丁糧  
仰懇

天恩仍照河東督臣田文鏡所奏遵行嚴飭各官俟有



天恩事故開除馬糧陸續扣留勿得藉端斥革其專城  
上諭把總間有無馬糧者就在該路給馬糧一分仍造  
皇土入該路冊內奏銷無庸另立款項既留親丁馬糧  
之後如遇緊急公務營馬不敷應用卽以各官親  
丁馬應差令本官出馬盤費如遇調遣需馱載馬  
時與其現購草廐馬不如將各官數年餵料之親  
丁馬給兵馱載尤堪負重致遠其購馬銀兩發給  
本官買補親丁馬數則大小官弁共沾  
聖恩而無不均之弊營伍不致減許多應差之兵至於  
軍務不止無礙尚有裨益臣更有請者營馬倒斃



動朋銀買補乃太尉縣典史自縣升以來日  
皇上軫恤窮兵賠補之苦非爲貪官侵蝕之地從前竟  
有不肖官弁將親丁馬匹年限雖滿尚堪乘騎者  
奏捏報倒斃冒領朋銀數年以來荷蒙  
皇上訓誡整飭莫不改悔前非茲若復蒙  
皇恩均賞馬守各半之親丁儘足供養贍之需凡親丁  
馬匹倒斃一概停其支領朋銀請照前任宣化鎮  
臣黃廷桂所奏張家口馱載馬倒斃之例扣四箇  
月乾銀買補報明該管上司查驗則朋銀不致虛  
糜而官弁亦無賠累是否允協伏乞



皇上睿鑒批示臣謹恪遵具

題爲此謹

奏

**照此具題俟該部議覆到日朕再酌定**

皇恩雍正九年八月十二日署理山西太原總兵官印

皇上務直隸宣化總兵官臣李如栢謹

奏爲請

旨事竊臣一介庸愚屢邀恩遇平則勤勵尚舉乘勳告

寵眷毫無報稱今歲復蒙非爲貪官對蠲之賦茲值

特恩命臣署理山西太原總兵印務臣自抵任以來日



夜兢兢竭盡駑駘之力整飭營伍訓練兵馬文武  
和衷兵民輯睦稍報

隆恩於萬一但太原一鎮所轄六府七十五州縣地方  
遼濶汎廣兵單必須時勤巡查方於地方有益所  
有各營路汎界之遠近山川之險要官兵之勤惰  
技藝之優劣臣雖屢經申飭務令操演畫一嚴謹  
巡防然未身經親歷終難自信伏乞

皇上允臣所請於秋成之後減從輕騎親歷各營操練  
兵馬彈壓地方庶於汎防營伍有所裨益爲此繕  
摺奏



聞謹

奏

應否親往查操及於何時相宜之處與撫臣石麟商酌行之

雍正九年十月二十四日署理山西太原總兵官

印務直隸宣化總兵官臣李如栢謹

奏爲遵

旨覆奏事竊臣前因太原鎮屬各營兵丁并地方形勢

未經親歷欲乘農隙之時遍歷操閱繕摺請

旨奉



硃批應否親往查操及於何時相宜之處與撫臣石麟商酌行之欽此接奉

硃批之時正值有挑選技藝精兵一事臣隨將欽奉

硃批并精兵緣由會商撫臣石麟去後嗣准撫臣覆咨  
巡歷地方查閱兵馬乘此農隙之際親行週遍於  
地方營伍均有裨益自宜舉行今查操練精兵等  
事擬在省城辦理已經恭摺

奏明應將各營兵丁如數挑選赴省之後即可週巡  
地方操演兵馬是否妥協煩請酌定覆  
奏相應移咨等因准此臣隨將挑就各營技藝兵丁



奏一千名分作八起陸續起發赴省聽撫臣挑選教  
演於十月二十六日照數起發外謹將遵奉

硃批商酌緣由繕摺覆奏所有微臣起程日期另疏具

題謹將奉到旨意謹將查辦縣縣具

硃批奏摺一併恭繳伏乞

皇上睿鑒謹繇由會商無不

奏

今命爾暫署大同總兵印務速往接受毋遲

雍正十年五月二十六日暫署山西大同總兵官



印務直隸宣化總兵官臣李如栢謹

奏爲奏明事竊臣案照本年四月十二日奉戶部劄  
開爲遵

旨議奏事大學士鄂爾泰等議奏大同餵養之馬令大  
同鎮標弁兵趕送歸化城交與丹津派撥土默特  
兵丁於好水草處牧放等因奉

旨依議欽此劄行到臣隨欽遵移商撫臣石麟以馬四  
百匹爲一起隔三日再將後起之馬趕送以免沿  
途擁擠其馬匹數目俱令文員造冊交給營官以  
便送都統丹津查收至趕馬弁兵派撥叅都守備



千把等官三十員捧馬兵丁二千三百餘名按日  
在大同府庫均領盤費於四月二十五日頭日起  
先行其餘挨次趕送去後節據送馬叅將盧大位  
等呈稱五月初五六七等日送到歸化城馬六千  
九百餘匹都統丹津嫌馬疲瘦駁退二千八百二  
十餘匹堅執不收職等無可奈何在附近之處帶  
兵牧放等情到臣臣查此項馬匹關係軍需採買  
發餵者係都統丹津等餵養者係各府州臣標弁  
兵不過捧送交丹津查收而已竝無到歸化城牧  
放馬匹之



旨其毛齒數目鼻病瘡癩俱有文員清冊逐匹可稽既  
到歸化城都統丹津理宜按文員清冊與送馬營  
員當面逐匹查收交土默特兵丁揀好水草處牧  
放飭令弁兵早回各汛方爲遵

旨慎重軍需如馬匹內果有實在不堪用者自可按冊  
與採買餵養竝發餵者查詢亦不得於送馬官兵  
是問豈可將送到馬匹勒指不收致令官兵將按  
日帶去之盤纏花費烏有枵腹牧馬之理臣隨兩  
次飛咨都統丹津煩請照文員清冊將駁退之馬  
查收而丹津兩次來文斷不肯照冊收馬臣將令



送馬官兵久住口外而營務汛防關係緊要旣不  
便任其久住將令各回營汛而丹津不肯收馬將  
馬交與何人又不便令其各回隨咨商撫臣石麟  
飭令文員前往歸化城將丹津不收之馬照冊查  
明經管守候交收令弁兵各回營汛外事關奉

旨趕送軍需馬匹丹津不肯遵行不據實回谷  
旨查收不得不據實回谷

奏明伏乞 聖訓查辦交土撫轉具下

皇上睿鑒施行謹 奏

奏手齒渡日鼻



已有旨矣

雍正十年六月十三日暫署山西大同總兵官印  
務直隸宣化總兵官臣李如栢謹奏為奏明事竊照雍正十年二月內蒙戶部劄開經  
大學士鄂爾泰等議覆直隸古北口提臣路振揚  
等奏敬陳查邊事宜一案殺虎口添礮十二位交  
與造礮處製造子母礮十二位遇便送往等因奉  
旨依議欽遵在案臣查殺虎口協誠為要口議准添礮  
洵為慎重邊疆之至意但附近殺虎協之朔平城  
相距咫尺勢為犄角舊有旗兵駐防近蒙



皇恩加添兵馬設立叅將其地尤爲衝要而子母礮乃  
防守利器必須亦設十位以資應援臣標新設之  
臣前營原因地方緊要故爲加添官兵查標下中左  
右三營各有舊設子母礮十位而前營事同一例  
亦應設礮十位以濟防禦惟是殺虎朔平前營應  
設之礮共計三十二位除殺虎口舊有子母礮五  
位尚應造礮二十七位若俱請於造礮處製造不  
惟工料以及解送需費浩繁而製造必需時日臣  
查陽和城舊有貯庫報部不堪用之九龍銃者其  
名雖殊其實則子母礮也其身柄膛口一加修理



卽屬堅固可用所少者不過子礮耳與其聽其日久鏽壞何如加添子礮以爲防禦利器再各營路經臣查出不堪用之廢壞鎗刀等項纍纍以之製造子礮旣無庸買鐵而所費工資無幾成功亦易旣可節省正項錢糧又可免其解送更可裨各營早得礮位早爲演習其爲裨益實多臣隨與撫臣商議飭令臣標署中軍遊擊睢世俊監管每母礮一位照例造子礮五位務必精工合式其所費工資食用礮架等項俱動餘租易價等銀製造去後續據該遊擊報稱子母礮二十七位已如數造成



臣逐位試看打放最遠頗稱便捷隨將礮位發給  
殺虎朔平暨鎮標前營竝報部請將前奉部文交  
與造礮處製造之子母礮停其送往外再照既有  
礮位必須礮子方爲全備臣查各營路有地非衝  
要而舊貯礮子甚多者有地處衝要而礮子無幾  
者亦有竟無礮子者殊非因地制宜之道仰祈  
皇恩准臣與撫臣石麟商酌察其沿邊營路最衝與次  
衝者將舊貯礮子量爲撥給務期多寡允當防範  
有資俟撥定再爲報部緣係添造礮位酌撥礮子  
以益營伍以濟實用理合併摺具奏其詳具  
奏



奏明伏乞  
皇上睿鑒施行謹

奏

總與撫臣石麟商酌行之

雍正十一年三月二十五日暫署山西大同總兵

官印務直隸宣化總兵官臣李如栢謹

奏爲敬陳芻蕘事竊照硝磺火藥鉛彈廢鐵逃盜匪

類久奉

諭旨嚴拏不許出口臣抵任以來屢經申飭沿邊官弁  
務必實力奉行毋令偷出邊口而提臣石麟時加

硃批諭旨

三

李如栢



嚴飭亦至再至三臣又與提臣商酌邊牆最關緊  
簡旨要雖因需費浩繁不能一勞永逸是以奉  
旨無庸修理若將近邊百姓免其雜差徐徐修補堅固  
奏亦可少盡報效之誠而提臣石麟深以爲然今臣  
於雍正十年三月內檄行沿邊官弁陸續修理去  
後於五月內據該將等稟稱近邊百姓俱各欣躍  
急公於耕種之暇卽來修邊俱已修築齊全臣隨  
奏親往查看新舊畫一後因大雨時行雖有被水衝  
塌者而今修補之處尚存十之三四是以雍正十  
一年之內拏獲馱載鐵器及貨物越邊者一十



七案臣私幸防範漸臻嚴密孰意尚有瞽不畏法之徒於載貨車廂重用夾板暗藏火藥鉛子竝鉛希圖夾帶出口於本年三月十九日經殺虎口防口弁兵搜獲交右玉縣審究臣正在繕摺條

奏間又於三月二十日拒門口防兵通同受賄縱放載鐵器車一十四輛出邊經該管助馬路叅將馬世勲聞知趕至邊外二十里同張家口千總梁化龍將車輛人畜一併拏獲該汛把總郭元卿竝無覺察據該叅將揭報前來臣隨移咨提臣石麟咨部斥革併飭令馬世勲將拏獲之鐵器人畜及受



賄兵丁交有司嚴審竝移明口北道王棠轉行張  
家口同知白石多派幹役在邊外巡拏外若不將  
汎弁竝受賄之兵重加究治則私縱出入邊口之  
弊斷不能除伏乞

皇上敕部行令有司將汎弁竝受賄之兵重加懲治以  
儆效尤臣更有請者邊內如此嚴拏而射利姦民  
猶敢偷越邊口營兵猶敢賄縱總因邊外地方遼  
濶巡察同知鞭長莫及違禁貨物出在口外不能  
一一拏獲故姦民敢於往外販賣當此軍興之際  
火藥鉛鐵乃軍器要資若不設法邊內邊外異同



嚴拏則弊端斷難盡絕況古北口屬之薊協邊外并熱河兒宣鎮所屬之獨石路邊外各處俱有礦洞礦賊偷熬鉛斤不敢進口貨賣勢必賣與遠方蒙古其爲貽害誠非淺鮮再邊外墾種多年人口生聚甚繁熱河兒喇嘛寺妥樂廟歸化城皆爲商賈雲屯之地匪類逃盜潛藏甚多臣旣知其弊何敢緘默伏查我

朝成例沿邊設立衛所原以彈壓地方盤詰姦宄收屯糧石以實邊儲教習丁壯以固疆圉臣之愚見請循成例自山海關以西至於延綏邊外一帶凡有



百姓種地之處以及買賣人稠密者量人民之多寡地方之寬窄應設衛備者設立衛備應設衛千總者設立千總卽在邊外人煙稠密之地居住將所屬之民照內地編立保甲以便稽查則匪類逃盜口外無所藏匿矣凡應收之牛犊銀兩令其按畝起課收納本色在邊內城堡屯積令營官看守邊外無庸築城蓋倉則田地不致隱占年復一年而邊儲可充矣邊外既有衛所各處礦洞有官勤查則礦賊偷熬鉛斤賣與蒙古之弊可絕矣至於違禁貨物既有汛弁嚴查於邊內又有衛所訪拏



於邊外則夾帶違禁貨物越邊販賣之弊可杜矣  
農隙之暇衛官與汛弁同率近邊百姓以及汛兵  
互相修理被水衝塌之邊口則沿邊牆垣可保永  
固矣其衛所應需之衙役捕快查各州縣俱有民  
壯其中有不可裁者亦有可以裁減者請將應裁  
之民壯撥爲衛所之衙役以捍邊圉則可節省工  
食矣然設衛所以益邊防則應隸何官管轄不可  
不爲籌畫衛所旣收糧石判理民事則屬附近文  
員管轄固不待言但修理邊牆盤查匪類逃盜若  
不令附近副叅管轄則及時修邊垣急切拏匪類



必至呼應不靈臣請令副叅管轄如邊內汛弁縱  
放匪類竝違禁貨物出口經衛所拏獲者卽將汛  
弁揭報該管副叅詳報重處如邊外窩藏匪類竝  
偷賣違禁之物衛所不爲查拏經汛弁訪拏者將  
衛所揭報該管副叅詳報重處如偷出邊汛而本  
汛弁兵尾追拏獲者均無庸議如此則各弁互相  
惕勵邊防嚴密而陋弊盡絕矣微臣愚昧之見是  
否可採伏乞

皇上睿鑒施行謹

奏



據奏沿邊設立衛所事關創始當與署提臣石麟詳細  
會議具奏以聞

雍正十一年七月二十五日暫署山西大同總兵

官印務直隸宣化總兵官臣李如栢謹

奏爲奏明事竊臣蒙戶部劄開奉

旨命臣造過山鳥礮一百位竝馱架齊備運送軍營再  
多造一位竝馱架送京存樣等因劄行到臣當經

臣欽遵

諭旨擇吉於本年五月初十日興工先造過山鳥礮二  
位架二副隨礮各項器具竝打放及遠之木板準



則差員恭呈

御覽卽請留京在案今臣朝夕督催匠役於七月二十

日造成過山鳥礮一百位竝礮架鞍轡隨礮之雨

旱罩油單礮探火藥葫蘆皮搭等項又將礮位編

定勝字號照各位膛口各造鉛彈一百顆共鉛彈

一萬顆俱已齊全礮位造成之時臣親至郊外演

放其所及之遠俱合所定之準則隨將礮位等項

在爾

意

郎

瀚

爲

何

等

知

府

秉

公

據

實

奏

聞

細加包裹妥當交給押解之弁兵一面照會大同

知府郎瀚遵照部文雇覓車輛於七月二十四日

由大同起程運至歸化城交都統丹津雇募牲畜



運送軍營一面呈明靖邊大將軍俟到軍營時照  
數查收卽令管押之弁兵將裝放進步之法教習  
軍營兵丁俟純熟後卽令回營所有造成過山鳥  
礮一百位起程日期理合繕摺  
奏明伏乞

睿鑒謹

奏

覽奏知道了

雍正十一年八月初十日暫署山西大同總兵官  
印務直隸宣化總兵官臣李如栢謹



奏爲遵

旨奏明事竊

臣奉

諭旨任爾意郎瀚爲何等知府秉公據實奏聞欽此仰

奏見我

皇上爲官擇人量能授職其難其慎之至意伏查大同

一府東拱

神京西通歸化南達太原不時辦理西北兩路軍需

誠衝要繁難郡也膺斯任者於刑名則詳慎俾無

冤抑於錢糧催科之內則寓以撫字於弭盜安民

無往而不兢兢究心期於允當於辦理軍需上而



宣布

聖德使小民踴躍趨事下而憫恤黎庶俾吏役不敢騷  
擾軍需錢糧應行節省者不敢多糜軍需事務既  
能速辦而又妥協正項省而公事治公事治而民  
不擾方可謂賢能之員若郎瀚者拘謹自守才非  
肆應僅可謂平常郡守臣謹欽遵秉公據實奏

聞伏乞

皇上睿鑒謹

奏

所奏是已有旨矣

硃批諭旨

聖

李如柏



雍正十二年四月二十日暫署山西大同總兵官  
印務直隸宣化總兵官臣李如栢謹

奏爲恭謝

天恩事雍正十二年四月十八日臣承內閣大學士鄂

爾泰等寄字四月十四日奉

上諭朕因李如栢擅令官兵變賣馬匹一事料其辦事  
必不妥協留心訪察聞伊操守甚屬平常凡考補千  
把外間俱有口聲又如該鎮新添兵丁馬匹從前發  
價短少今恐露出弊端遂不候諭旨擅令官兵變賣  
馬匹槩令繳銀十五兩以掩飾前此冒銷之弊衆怨



皇  
沸騰再伊在宣鎮任內放家人二名爲把總李姓者  
已經後任革退王姓者現係經制員缺又在大同任  
內放一任姓家人爲把總係伊平日親信用事之人  
李如栢受朕深恩不知潔己奉公勉圖報效而乃營  
私貪利劣蹟種種本應從重處分以爲負恩溺職者  
之戒因念伊漢仗尚好平日於營伍事務尚屬盡心  
姑且從寬容其悛改爾等可密傳諭旨嚴加訓飭俾  
知此次寬宥乃朕莫大之恩倘不洗滌肺腸痛自改  
悔後此再有過犯經朕訪聞必加倍治罪不稍寬貸  
欽此遵



天顏洗心滌慮以仰報

聖主寬宥洪仁於生生世世而已所有微臣感激下衷

皇上理合繕摺恭謝又同類自辯上寬

天恩伏乞

皇上睿鑒謹

奏

朕實代汝愧之代汝惜之近日以來想復在醉鄉矣

雍正十二年八月二十一日暫署山西大同總兵

皇上官印務直隸宣化總兵官臣李如栢謹

奏爲恭懇



聖恩俯准  
陞見事竊臣邊陲微末蒙我

聖祖我

皇上天高地厚之恩二十餘年毫無報稱前聞噶爾丹  
策凌父子濟惡重恨不得食其肉寢其皮少盡犬  
馬愚誠仰報

隆恩於萬一今幸接兵部劄開荷蒙  
恩旨命臣總統直隸山東山西河南四省綠旗官兵前  
往北路駐劄臣聞

命自天喜而不寐踴躍非常臣今得以滅除醜類止報

硃批諭旨

吳

李如栢



天恩殫數十年仰酬之微志矣所有挑選官兵竝行營  
一切應需各項除會同撫臣石麟現在速爲辦理  
諭旨卽便起程外惟是臣至愚至蠢行多冒昧久在  
皇上聖鑒之中今膺此重任伏乞

皇上洪恩念軍務爲重准臣暫食其肉寡其衣少盡大  
陛見跪聆  
聖訓得所遵循早奏凱旋以仰副我  
皇上聖懷則微臣幸甚如蒙  
聖恩允臣進京其大同總兵官印務臣查署殺虎協副



將董維平營伍熟習歷練老成前曾署過鎮篆今  
請卽令暫爲代理臣無任懇切待

命之至爲此具摺請

旨謹

奏

爲期尚早候旨遵行



天恩賜教十年仰酬之微志矣所有就選等項並行營  
一切應需各項除會同撫臣石麟現在速為辦理  
諭旨即便起程外惟是聖恩過至恭行多日昧久在  
飲賦尚早對旨數言此聖任伏乞

皇差洪恩念軍務為重難復行其前奏  
旨勤跪聆

命之至誠此具陳謹凱旋以仰副我

皇上肅慎命禮為分野引無升懸世昔

聖恩殊董辦平營正應暨烈縣朱叔前會署嚴嚴葉令



硃批安修德奏摺

雍正七年十一月二十四日協理清查江蘇錢糧  
事務監察御史臣安修德謹

奏爲奏

聞事竊臣黔末庸愚荷蒙

聖恩不次拔擢逾格栽培復

命協同辦理清查江蘇錢糧受

恩至深刻圖報稱本月初六日接到部頒

上諭指示周詳臣捧讀再四通行曉諭欽遵訖查官侵

吏蝕之弊俱於冊內將所侵戶名刪除捏分詭名

硃批諭旨

安修德



零星飛灑以致混作民欠莫可分辨雖據自首仍  
有不實不盡近今究出各吏胥私記歷年侵數竝  
捏造花名各種底簿據以清查官侵吏蝕漸有頭  
緒再查花分詭寄不獨侵蝕官吏爲之紳衿富戶  
內亦有藉此弊混積年抗欠者現有查出一戶捏  
分數十百戶詭名積欠至千百兩者此等積習若  
不剔除有關吏治民風且此等花分詭名不爲查  
實則官吏侵蝕之花分詭名不得清楚民欠亦不  
的實是以設立併戶單俾各據實歸併改註本名  
以免弊混竝非以官戶富戶派攤分賠官役侵蝕



之錢糧

皇上洞鑒甚明爲此繕摺奏

聞謹

奏

覽汝稱頌明鑒等語歸美於朕此等虛文竟可不必汝等果能恪秉公忠將諸弊釐剔一清使官民從此蒙福朕之令譽自在其中假若奉行不善剔除不力縱朕能洞鑒於事亦何益之有此一差關係汝等一生人品心術可否信任毋稍漫忽一切處加慎加勉爲之

同日又



奏爲請除侵欠錢糧之源以清積弊事竊惟錢糧關係

國帑絲毫不容侵隱凡有弊源宜請杜絕臣不揣冒昧謹就見聞所及爲我

皇上陳之一實徵額冊宜造的名也一僉點糧總漕總之陋規宜禁革也一私借錢糧之弊宜禁革也一比較冊籍不宜假手書辦以滋舞弊也以上四條皆侵欠錢糧弊端是否可採伏乞

皇上睿鑒施行謹

奏



斯皆汝等會同商酌辦理之事何乃彼此不相通知各  
出已見耶若人人但欲炫露一己之能希朕見賞據臆  
瀆奏參差互異朕未親歷其地未覩情形何所憑而批  
定是非乎觀汝條奏殊非忠良居心明曉協恭和衷之  
理者似此朕不免有誤用人之咎矣奈何

雍正八年二月初四日協理清查江蘇錢糧事務

監察御史臣安修德謹

聖奏爲恭繳

硃批事雍正七年十二月二十八日臣家人齎捧

硃批奏摺二件到臣隨恭設香案望



闕九叩跪讀

諭旨感愧交深竊臣荷蒙

二十八日

奉入齋奉

聖恩委用協同辦理清查江蘇錢糧自知才庸任重凡

一應清查事宜俱與總理臣等公同酌議辦理臣

初學辦事未諳陳奏之體緣現在查出弊端臣愚

以爲得請立法可杜將來弊混乃識見淺陋不知

籌計係公同應辦之事遽自條陳實屬冒昧仰蒙

聖恩訓臣以公忠和衷之大義臣深自愧感惟有恪遵

聖訓益加慎勉協同總理臣等秉公詳慎斟酌辦理以

仰副



皇上爲民除累之至意謹將欽奉

硃批奏摺二件恭繳謹

奏

所言和衷者不與同事之人爭能逞才之謂若不辨是非公私一味隨聲附和知和而和不以禮節之則又不可行矣總之爲己心勝皆屬私欲從未有懷私而能效忠之理返身自省勉之



嗣九叩跪請

諭旨感德文深竊上荷蒙

聖恩委用協同辦理清查江蘇錢糧自知才庸任重凡

出之堅致良指各政必與總理臣等公同酌議辦理

何言奏縣之款必必制者風耳將給米并則其理論茲

非公外方和韻鹽州味狀麻而麻小以斷隨之傾又不

與言縣吏皆不與同車之人爭論其天之端錄不終具

聖奏訓臣以公忠和衷之大義深自愧感惟有恪遵

和批奏醫臣并恭辦辦理臣等秉公詳慎斟酌辦理以

呈上為月斜累之至意蘄沐煥奉



硃批李淑德奏摺

雍正五年二月二十六日鑲黃旗漢軍副都統臣

李淑德謹

奏爲奏

聞事竊臣奉

旨興修江南水利於二月初二日跪請

聖訓蒙

皇上面降

諭旨臣祇聽凜遵於本月初四日起身初七日在直隸

滄州地方見過怡親王於十六日到江南清江浦

硃批諭旨

李淑德



總河臣齊蘇勒總督臣孔毓珣跪請

聖安臣隨將稟數欽本月四日就良辰十五日直隸

上諭齊蘇勒有病不可累伊之

旨傳諭卽日同總督臣孔毓珣起程於十八日行至淮

旨與安府寶應縣地方適遇巡撫臣陳時夏遵

旨踏看運河跪請

聖安臣卽將

上諭先將要緊河渠速行酌議疏浚之

旨傳諭臣同孔毓珣於二十四日已到蘇州府現同孔

毓珣先將臣昔日經歷所知數處一面踏看俟巡



撫臣陳時夏踏看運河事畢回署原任巡撫臣陳  
世倌到蘇公同相度緩急酌議先後興修之處另  
行合詞具

題外所有臣到蘇情由理合繕摺奏

聞謹

奏

所奏俱悉但齊蘇勒患病光景若何竝不奏聞殊屬忽  
畧之至至於地方情形隨時變換河道遷徙不常不可  
刻舟求劍況爾離彼處爲日已久若因前此已有條陳  
必欲強符所言則大謬矣



雍正五年閏三月初六日鑲黃旗漢軍副都統臣

李淑德謹

奏爲奏

聞事竊臣奉

命江南興修水利看得太湖阻滯實爲江浙之患其婁江吳淞江黃浦江均屬洩水入海要區惟婁江自吳江縣受納湖水繞蘇州府過崑山縣近太倉州接劉河入海關係重大年久淤塞潮來僅有一綫潮回則舟楫不通查商賈貨船向由婁江吳淞兩路往來婁江淤塞尚賴吳淞隨潮上下若將婁江



吳淞一時竝行開濬則商賈皆爲阻滯是以臣等  
已將先濬婁江之處具疏會

題今臣會同巡撫臣陳時夏選派蘇松道孔毓璞及  
府廳等官料理一切工程事務帶領州縣佐貳雜  
職人員分段興工臣與陳世倌竭力督催務期於  
芒種前農務未興之時挑濬完竣以仰慰

聖懷臣再查婁江有通海閘一座內可蓄水外備海防  
年久傾圯必用重修所需石料現有袁家渡折毀  
之閘又有海邊衝塌廢城一隅其中磚石儘可選  
用無庸另辦只須椿木灰漿人工運費已經委令



地方官員細估修建至於吳淞江等處宜加疏濬  
者甚多統俟逐細確勘會疏具其中縣石壩河壩  
題所有現在僱工竝估修閘座情由合先繕摺奏  
聞謹

奏  
**好秉公勤慎爲之諸凡切毋自用聰明庶不致差謬也**

雍正五年閏三月二十九日鑲黃旗漢軍副都統

臣李淑德謹

奏爲直陳水利仰祈

聖裁事竊臣查蘇松常鎮原屬水鄉所有沿江濱海之



區稍有淤墊澇則田疇被浸旱則地土乾涸以致

上廛

宸衷動銷

國帑興修水利臣細勘現在應修之處甚多自應仰  
遵

聖訓盡除淤塞廣蓄水泉始於民生有益查婁江一處  
工費已及三萬有餘若通行修濬約計錢糧不下  
二十餘萬在

皇上愛民如子固不惜百萬金錢而臣再四思維實有  
不甘於心者水利工成則東南盡爲樂土



國家糧賦不過什分取一以利益民生之事豈可盡

皇上虧庫帑而不少加籌畫臣愚昧見識卽此現在工

程不須盡動帑銀亦不須勞民動衆可否比照海

之言

朕一番美舉若依汝如此辦理頓成虐政矣言發

乎心

據汝斯論而斷或借端公行嚇詐無恥之事俱未

可定

稍若妄動性命可惜慎之慎之

亦因民之利而利民是養民卽所以教民者也再

查現在應濬各河地方官員所量丈尺估計土方

不足盡信惟候婁江告竣之後

皇上賞來效力人員到時臣率領會同地方官員親身

逐一丈量細畫河圖恭親齋進面奏情形始末跪



觀所奏之語甚不妥協況此事非交爾一人主持不過

請

令爾督工效力而已爾此光景殊屬乖謬之至小心毋忽聖訓指授方畧再赴江南欽奉遵行除會勘情形酌議

應修之處另疏會

題外謹此具摺直陳臣受

洵為可笑之極

恩獨重感發愚誠不懷瞻徇嫌怨之私惟以

國計民生為念是否允協跪求

皇上聖裁謹

奏

矢口亂道甚屬無知



國家禮賦不盡什分取一以利益民生之事豈可

大口指民加籌畫指民思昧見識即此現在工

表程不須盡勸各銀亦不須勞民勸眾可否此照海

皇上聖慈指民著令指民巡撫查其指民大善之富家鄉

國指另主為念是否指民財與民之利此

恩指民重指民恩指民不指民勸指民之指民民者也再

嚴指民出指民具指民直指民受指民官指民所指民量指民丈尺估計土方

應創之指民民指民會指民江告竣之後

聖指民計指民式指民再指民扶指民正指民南指民趁指民奉指民數指民計指民糾指民會指民計指民紙指民酒指民藥

諸指民下指民施指民而指民計指民北指民求指民是指民報指民匪指民之指民至指民小指民必指民也

諸指民泰指民之指民臨指民其指民不指民受指民計指民民指民也指民非指民交指民而指民人指民何指民形指民和指民也



硃批高鑛奏摺

直隸通永道臣高鑛謹

奏為恭謝

天恩竝陳愚悃事竊臣以庸愚之質蒙  
爾之居心為人向日聲稱頗好慎母恃恩縱恣勉力以  
恩特放霸昌道以來時切冰兢今又調補繁劇所幸密

圖上進

邇神京時得仰邀

聖慈垂訓知所遵循臣已於四月二十一日任事訖凡  
何服代爾辦理道員之事

有關

密奏不必繁多有關地方事務仍當呈請巡撫而行上

國計民生事件容臣陸續密奏外伏查通州地方乃

司若生疑忌爾即難以作為矣

天庾重地水陸要衝四海商賈輻輳各旗莊屯聯密歷

硃批諭旨

高鑛



天與有以勢挾持生事不法之徒自各欺誑中細密聖明御極以來宣仁布德振綱肅紀咸皆斂迹臣職司整飭首重彈壓尤必仰體

皇仁子惠至意勸勉善導與旗民共戴一日升事言凡化育深恩倘有復萌故志者臣自當執法不敢稍為瞻

恩特徇再查通永道歷任交盤張安世李繼謨虧項累天恩累俱係朦朧授受而黃之孝到任未久亦未清理

奏臣現今按款細核催其彌補如交盤兩月例限滿此等處不可懼怯母稍瞻徇但放贍為之爾有朕作主

時伊等仍然延挨當將查出虧空確數具摺奏請若猶畏首畏尾其他當何如耶張安世李繼謨此二人聖訓遵行至臣所管各州縣今歲麥收約有五分秋苗



皆大有手眼交結最廣之輩一毫不可爲留餘步令其  
皆好本月望前能得透雨亦屬不遲合併奏  
得以輾轉然必當與撫臣商行方令  
聞謹

奏

覽

直隸通永道臣高鑛謹

奏爲奏陳私悃懇

恩賜覽事竊臣祖固山大高必光以指揮使後裔從

龍入關分隸鑲黃旗施茂安佐領下順治十二年施茂

安病故其家乏嗣將本佐領下阿達哈哈番常登

補授常登告退後臣伯父高璘蒙



世祖洪恩由侍衛賞補佐領高璘病故後臣伯父高璉承襲高璉告退彼時臣父兄皆在外任此缺係通政使王守才兼管年老告退後仍將臣族姪高允中補授因陞廣東駐防協領後臣堂兄高銓補授於本年正月內病故臣家承襲佐領四輩共歷四十餘年今當本旗選員奏補之際臣謹將承襲緣由繕具奏摺外附臣在京兄弟等履歷清單預行妄奏瀆

天鑒伏念臣宗祖從

龍以來六十餘年世受



國恩子孫多登仕籍而佐領爲根本之地如別佐領  
下人兼管則受其挾制操縱辱沒不可勝言此等  
情弊久在

聖明洞察之中用敢仰邀

聖主曲賜矜全則臣闔族均叨

恩榮於萬世矣謹

奏

本朝佐領承襲甚有關繫

聖祖御極六十餘年於此一事未嘗少忽該都統當有一  
定公議朕不便偏徇俟臨期酌量汝家如有可管之理











疾日加急氣喘



